

T 7403 / 1955 (24)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 5 1952

古今醫統大全卷之六十五目錄

康集

咽喉門

病機

咽喉敘論

咽喉一十八證皆為風火

尸咽穀賊懸離三者為咽喉之急證

咽喉之病屬痰屬火屬風三者而已

傷寒熱病喉痺治各不同 陰證下虛亦令喉痺

脈候治法

治喉痺大要降火清痰 吐法治喉痺最効

治案

哈佛大學哈佛燕京
圖書館珍藏印

藥方

和劑甘桔湯

拔萃甘桔湯

牛旁子湯

龍腦雞蘇丸

玉鑰匙

如聖湯

山豆根湯

奪命散

三黃丸

解毒雄黃丸

如聖散

二聖散

白礬散

利馬湯

碧玉散

清心利膈湯

玄參散

上清丸

玄霜

奪命無憂散

龍腦丸

牛膽膏

硃砂散

如聖勝金錠

祛毒牛黃丸

麝香朱砂丸

七寶散

防風散

透天一塊水

消毒犀角飲子

通關飲子

蜜附子

立効散

一提金

冰梅丸

青梅煎

導引法

易簡諸方

鍼灸穴法

諸物哽喉

無擇治法

治哽用吐法最効

骨哽諸方

錢哽諸方

符咒法

治案

卷之六十六目錄

面部候

病機敘論

面熱面寒

面色應五臟

面腫屬肝風胃火面浮屬脾土肺金

治法

治頭面腫子和汗法速効

藥方

防風通聖散

木香檳榔丸

升麻黃連湯

升麻附子湯

胃風湯

梔子荆芥湯

玉容散

白附丹

胡粉丹

黃連散

礬硫散

硫黃膏

窄腮候

易簡諸方

醫案鍼灸

髮髭門

病機敘論

治法

黑髮烏髭當知六子延齡益壽須重七珍

髮髭黑美須滋養氣血之十全

藥方

神功六子丸

七珍至寶丹

張天師卓還丹

青絲散

二七丹

瓊玉膏

八珍湯

三青膏

三聖膏

巫雲散

還五神童丹

通用烏髭方

擦牙烏髭方

牛膽散

二仙丹

黑髮羊肝丸

洗髮菊花散

犀皮散

丁香散

滋榮散

生地生姜汁

五汁膏

卷之六十七目錄

癰瘤候

病機敘論

五癰六瘤其狀各異

治法

子和治法

治癭瘤以削堅開鬱行氣為本

藥方

破結散

昆布丸

神効開結散

外臺昆布丸

鍼砂水

蜘蛛散

苗藥酒

昆布散

海帶丸

秘傳木香散

南星膏

蠟攀丸

守瘤丸

五癭丸

玉壽散

人參化癭丹

寶金散

枯溜方

小黃膏

五灰膏

鍼灸法

易簡諸方

同結核候

病機敘論

結核在項間或耳後

結核在臂

藥方

滾痰丸

易簡諸方

卷之六十八目錄

古今醫統卷之六十八目錄

五

關格候

病機敘論

脈候治法

藥方

關格病為陰陽寒熱不通
治關格必用吐法以提其氣

六君子湯

二陳木通湯

卷之六十九目錄

秘結候

病機敘論

秘結多由陰虛血少火盛水虧

秘結日深漸成噎噎

秘結之源有五

脈候治法

治秘結要分南北之殊

治秘以潤燥通幽為本

燥結之人不可發汗

脾約證須清金氣以滋化源

藥方

清潤諸方

導滯通幽湯

潤腸湯

滋血潤腸丸

滋腸五仁丸

潤腸丸

膠蜜湯

楊氏潤腸丸

加味四物湯

蘊子麻仁粥

三仁丸

積熱秘結諸方

三黃丸

檳榔丸

倒換散

千金丸

牛黃散

脾約丸

氣閉不通諸方

三和飲

橘杏丸

六磨湯

枳殼丸

小通氣散

木香逐氣丸

寬快湯

降氣湯

枳殼湯

導氣枳殼丸

老人風秘諸方

搜風順氣丸

疎風散

皂角丸

七宣散

七聖丸

半硫丸

威靈仙丸

大黃芍藥湯

歲府積滯秘結諸方

丁香脾積丸

感應丸

莪木脾積丸

三香丸

木香三稜丸

厚朴湯

麻黃白朮湯

升麻瀉熱湯

枳實導滯丸

掩臍法

蜜道煎法

霹靂煎

提盆散

宣積掌握丸

易簡諸方

治案

運氣秘結有三

鍼灸法

卷之七十目錄

夢遺精滑門

病機敘論

遺精夢泄病緣心腎二經 遺精病機有五

夢遺精滑專主乎熱

脉候治法

治夢遺必先養心清熱 夢遺自遺治法不同

夢遺有鬱壯實者疎利之 法藥兼治其効通神

藥方

夢遺精滑諸方

金鎖匙丹

茯苓丸

茯苓丸

秘傳龍骨瑣精丹

定志珍珠丸

秘真丹

固真散

牡蠣散

桑螵蛸散

珍珠丸

玉鎖丹

紫石英丸

櫻樹皮丸

小兔絲丸

猪肚丸

五味膏

猪苓丸

葛玄真人百補丸

心勞神虛夢泄諸方

柏子養心丸

王荆公妙香散

天王補心丹

養心湯

腎虛精滑諸方

水陸二仙丹

九龍丸

鎖精丸

子午丸

固精丸

炎實丸

仙方固真丹

玉露丸

金鎖丹

鎖陽丹

氣虛精滑諸方

固氣丸

三仙丸

鹿角散

經驗秘真丹

博金散

威喜丸

珍珠粉丸

金櫻丸

虛寒脫精方

內固丸

益智丸

安中丸

固精丸

心腎丸

蝶蛸丸

椒腎丸

韭子丸

秘傳金鎖思仙丹

易簡諸方

釋夢門

病機敘論

虛實成夢

浚川雅述

夢為神不守舍

治法

脩德稜夢

智人兆夢

祝由科厭夢法

藥方

養心安神丸

滾痰丸

不寐門

病機敘論

不寐為痰火思慮所致

傷寒大病後多有不眠

脉候治法

治不眠要分虛實

病後不眠與尋常不眠有別

藥方

大養心湯

酸棗仁湯

茯苓補心湯

琥珀多寐湯

辰砂妙香散

溫膽湯

滾痰丸

秫米半夏湯

安神丸

竹葉石膏湯

歸脾湯

天王補心丹

古今醫統大全卷之七十目錄終

古今醫統大全卷之六十五

新安東臬徐春甫編集

咽喉門

病機敘論

內經曰一陰一陽結謂之喉痺

一陰是厥陰風木一陽是少陽相火風火結鬱咽喉不散則成痺矣

又曰咽喉者水穀之道也喉嚨者氣之所以上下者也會厭者音

聲之戶也是之少陰上系於舌絡於橫骨終於會厭劇之兩瀉其

血脉濁氣乃辟

原病式曰喉痺不仁也俗作閉猶閉塞也火主腫脹故執客上焦

而咽嗑腫脹也

李東垣曰火與元氣不兩立一勝則一負蓋元氣一虛則相火隨起而喉等異病作矣咽嗑之與會厭內經謂之吸門咽以納氣喉以納食會厭管乎其上以司開闔掩其食下不掩之則喉錯必舌抵上腭則會厭閉其咽通主飲食司呼吸升降為人身之橐籥緊關之門戶也若夫卒然漿水不入口語不通死在須臾誠可驚駭俗謂雙乳蛾單乳蛾古方通謂之喉痺皆相火衝逆耳咽嗑一十八證皆是火熱成之

張子和曰咽嗑諸病一言可了者相火是也學者各詳其狀別名一十八證
一曰雙乳 其形元如小筋頭生於咽嗑閉上或左或右生於閉下者難治

蛾 其形亦如筋頭大生兩箇在喉關兩邊生閉下者亦難治
二曰蟬舌風 又名子舌白舌下而生今人謂之重舌是

四曰牙疳風 牙齦上腫成聚毒成瘡者是也
五曰木舌風 其形腫大如木不能轉動是也

黃 舌上腫痛色黃者是
六曰舌 如魚

者不
九曰聚毒喉風 喉關聚毒涎唾調粘咯吐難出
十曰 食而不

能噴水外形腫
十一曰 又名飛絲毒口中因食如雞卵者是也
十二曰 肥臑膈灸之惡物發泡

頰風 其證牙床痛連腮頰俱腫是也
十三曰 風自頰邊過頸下赤色發寒熱者危

子風 口內滿喉赤如猪肝張口吞物則氣逆飲食不能喉响者難治
十五曰 斷舌下

腫赤口內作瘡如陽
十六曰 舌下起泡一箇須臾又起一熱甚者牙根爛齒脫
十七曰 或在腮臉洋爛或在喉關

十七曰 或在喉關
十八曰 走注癰癭風 其頸項結核皮膚赤腫惡寒發熱狀若傷寒是也此十八證外有喉痺暴發暴死者名曰走

馬喉風又曰鎖喉風雖其名狀不同要皆熱甚生風風火急變自然疾速故暴發而暴死也

尸咽穀賊懸癰三者為咽唯之急證

十八證之外又有**尸咽證**此為陰陽不和脾肺壅盛風熱毒氣不能亨通故令尸蟲發動上蝕於喉或癢或痛如蟻之候也**穀賊者**稻芒強澁藏於米而誤食之滯於咽間不能傳化故風熱併聚與血氣搏遂令腫刺如咽噎之生穀刺也有腭積聚毒腫謂之**懸癰**甚有腫大塞咽不能下食是亦咽唯急證若不速治皆能殺人抑亦暴疾熱氣使之然也學者不可不知

喉痺之病屬痰屬火屬風三者而已

喉為飲食之關所係病喉痺多起飲酒太過辛辣肥甘之毒鬱積壅滯為痰生熱熱生風嘔吐咯咳傷咽系枯槁飲食不下甚者痰塞不通聲而速死故曰鎖喉

傷寒熱病喉痺治各不同

龐氏曰經云伏氣之病古方謂之腎傷寒謂非時有暴寒中人伏毒氣於少陰經始初不病旬月乃發脉微弱法當以傷寒治非喉痺之病也次必下利一種天行時瘟咽痛項腫名曰蝦蟆瘟又名鸕鷀瘟此證亦甚凶惡十不救一二凡此宜於各類求之東垣有

普濟消毒飲治瘟喉痺百發百中速效

陰證下虛亦令喉痺

經曰陰病極上虛火喉痺此多不治治法即蜜附子是也

脉候

兩寸脉浮洪而溢者喉痺○脉微而伏者不治○喉痺脉沉者為陰浮者為陽○右手關上脉陰陽俱實者是喉痺之候也亦令人壯熱而惡寒七八日不治則死

治法

治喉痺大槩降火清痰

子和云喉痺病大槩痰火所致急者宜吐痰後復下之上下分消而愈又甚者以鍼刺去血然後用藥吐下此為治之上策若人畏委曲旁求瞬息喪命治喉痺之火與救火同不容少待內經云火

鬱發之發散也故云吐中有發散之義出血者亦發散之端也治

斯疾者毋執緩方小方而藥之曰吾藥乃王道不動藏府又如於出血者幸遇疾之輕者而獲愈疾之重者循死矣豈非誤殺也耶

吐法治喉痺最効

凡喉痺甚者重者宜用吐法或用桐油或燈油脚以蠶翎探吐之

輕者用新取園中李實根煎湯噙之更研爛付頂上本草有云李實根治喉痺

或用射干搗逆流水吐之纏喉急證皆屬痰熱又宜探吐之白礬

膽礬吹入喉中吐痰極速

喉痺微者以酸熨之甚者以辛散之痰結者吐之甚而急者砭出

血之人火以涼治之龍火以火逐之涼劑熱服是也

醫說一人攜二僕入京其一忽患喉風脹滿氣塞不通命在須臾詢諸郡人云有李家世醫喉痺即令僕往就醫李駭曰證候甚危猶幸來此不然即死何疑乃於笥中取一紙撚用火點着纔烟起吹滅之令僕張口刺於喉間俄吐出紫血半合即時氣寬能言及啖粥飲搽藥傳之立愈其人神其藥竊訪其秘蓋預以巴豆油塗紙故施火即着籍其毒氣往赴病處

一人患咽喉腫痛下食不得身執頭疼大便不通衆醫之論紛然皆以為熱當服涼藥一善醫云脉緊數是感寒所致衆醫不得善醫者曰我有法驗得寒熱室中生火用炒葱湯淋浴若是熱病則

此煖處必有汗而咽喉痛不減若是感寒雖浴無汗患者信其言遂入浴洗而無汗就浴室中服麻黃湯一服須臾大汗出大便通即時無事衆醫服其神凡辨熱病感寒用此法最妙

張子和治一男子纏喉風表裏皆作藥不能下予以涼藥灌入鼻中下十餘行外以拔毒散傳陽起石燒赤與伏龍肝等分為末新水掃百遍三日熱始退腫消

一貴婦人喉痺蓋龍火也須用涼劑而不可冷服為龍宜以火逐之人火者烹飪之火是也乃是異列是至令於高堂之上侍婢携火爐坐藥鈔於上使藥常微熱不至大沸適口時時呷之百餘次龍火自散此法以熱行寒不為熱病扞格故也

咽喉痛以**甘桔湯**為主加荊芥穗薄荷葉當歸溫漱服更宜刺少
商穴出血

喉乾燥痛**甘桔四物湯**加荊芥知檉黃芩枳殼

喉瘡咽痛屬虛火遊行無制人參黃蘗蜜炙荊芥穗

實熱用黃連荊芥薄荷硝石蜜姜汁丸噙化

虛火用人參竹葉竹瀝血虛加**四物湯**服之

喉痺 心腹腰脇痛者多難治

喉痺 用**馬寶**入香油少許杵汁點喉中即退

喉痺 用**梨**頻頻飲之如患人自能嚙嚥亦可此物大解熱

毒南方梨少之處以好蘿蔔杵汁加入玄明粉飲之有效

穀賊 喉中痒刺欲嗽名曰穀賊此因誤吞穀芒刺在咽而痒痒

痛痛凡穀賊屬咽馬喉風屬喉不可不分辯用芝麻炒為末細

細呷嚥之

藥方

通治喉痺劑

和劑**甘桔湯** 治一切風熱上壅咽喉腫痛吞吐如有所礙

甘草 二錢 桔梗 四錢 加荊芥穗 三錢尤効速

右咀作一服水二盞煎八分食後服

抄**甘桔湯** 治熱腫喉痺

桔梗 甘草 薄荷 梔子

連翹

黃芩各等分

右咀每服六錢加竹葉煎服

牛旁子湯治風熱上壅咽喉腫痛或生乳蛾

牛旁子研

玄參

升麻

桔梗

犀角

黃芩

木通

甘草

右咀等分每服半兩入姜一片水煎服

龍腦雞蘇丸

治上焦熱咽腫嗑痛方見熱門

涼膈散

方治同上

王鑰匙治風熱喉痺及纏喉風

焰消兩半

硼砂兩半

冰片一字

白殭蚕一錢

右研每用五分竹管吹入喉中立愈或加雄黃二錢名金鑰匙

良如聖湯治咽喉有痰嚔物作痛及嗽咯唾血氣促併小兒瘡疹

毒攻咽喉腫痛

麥門冬半兩

牛旁子炒

桔梗

生甘草各一兩

右為細末沸湯調細細服入竹葉煎尤妙

山豆根湯治熱喉痺

山豆根

升麻

射干各等分

右咀每服三錢水二盞煎七分去渣通口時時呷之

奪命散治急喉風

白礬枯

殭蚕炒

硼砂

皂角

炙去皮弦各等分

右為細末每用少許吹喉中痰出即愈

三黃丸治喉痺絕妙

大黃

黃芩

黃連

苗藥子

白藥子

山豆根

黃檗

苦參

硼砂

京墨

冰片

麝香

右為細末猪膽調甑內蒸三次後入片射硼砂為丸豆大噙化
津嚥日夜常噙不止藥味妙

三因解毒雄黃丸 治纏喉風及上膈執壅痰涎不利咽喉腫痛

雄黃

鬱金

巴豆

右為末醋糊丸菜豆大每服七丸茶清下吐出頑痛即愈

二因如聖散 治風痰壅盛咽喉腫痛水穀不下牙關緊急

雄黃

枯白礬

藜蘆

猪牙皂角

去皮炙黃

為末用一字吹入鼻內吐痰為愈

生濟二聖散 治纏喉風急喉痺

膽礬

白殭蠶

為細末以少許吹入喉中

生濟白礬散 治急喉痺

白明礬

巴豆

二箇去壳作六瓣

以礬於鉢內慢火熬化為水置

本利膈湯 治脾肺有熱虛煩上壅咽喉瘡腫
巴豆於內候乾去巴豆取礬研為末每用少許吹入喉中立愈

薄荷葉

荊芥穗

防風

桔梗

人參

牛旁子

甘草

右咀每服半兩食後水煎服

御藥 碧玉丸 治心肺積熱上攻咽喉腫痛閉塞水漿不下重舌木舌
喉瘡口瘡並宜服之

青黛 盆硝 蒲黃 甘草末各一兩

右為末以砂糖每兩作五十九丸每服一丸噙化或用乾藥末吹入喉內亦可加**硼砂**為末名**碧雪**

良方清心利膈湯 治咽喉腫痛痰涎壅盛

防風 荆芥 薄荷 桔梗

黃芩 黃連各錢半 山梔 連翹各一錢

玄參 大黃 朴硝 牛旁子

甘草各七分 右作一服水二盞煎一盞食遠服

良方玄參散 治懸癰喉痛不可忍

玄參 升麻 射干 大黃各一錢半

甘草一錢 作一服水二盞煎一盞不拘時徐徐服

上清丸 治口舌生瘡咽喉腫痛止嗽清音潤肺寬膈化氣極効

蘓州薄荷葉一斤 百藥煎半斤 砂仁一兩 硼砂二兩

冰片二錢 桔梗一兩 甘草 玄明粉

訶子各半兩 為極細末煉蜜丸如芡實子大每服一丸臨睡

噙化或為小丸茶清送下亦可

玄霜 治喉痺

薄荷梗燒存性 硼砂 益硝 膽礬各二錢

右為末以油二三點入水上調點患處

方奪命無憂散 治纏喉風咽喉腫痛口舌生瘡心腹脹滿脾積癥

塊小兒妳癖誤吞骨屑哽塞不下熱盛喉痺氣急悶亂

寒水石三兩煨 玄參 管仲 砂仁

滑石飛 黃連 茯苓 山豆根

荆芥穗 甘草炙各兩半 硼砂三錢

右為細末每服一錢乾搽舌上後以新水嚥下不拘時任是百

毒硬物可以除化如喫着杏仁巴豆辛辣姜桂胡椒燥毒葱韭

蒜等物及諸藥毒火毒亦可用此藥能潤三焦去三尸殺八邪

除九蟲趕瘟疫一切要疾其効如神

龍腦化 治咽喉連頰頰腫日數深遠嚥津液痛發渴

龍腦研 升麻 黃耆 馬牙硝

大黃剉 石羔 麝香研 甘草各等分

玄明粉研三分 生地黄二兩絞取汁

右除地黄汁外研為細末以地黄汁和如乾更入煉蜜少許為

丸小彈子大每用一丸以綿裹含化嚥津日三四次不拘時

牛膽膏 治鎖喉風

青黛一錢 殭蚕半兩炒 朴硝一兩研 甘草二錢半生用

右為細末用臘月黃牛膽入藥在內當風掛百日取出再入研

麝香少許同研細末每服五分用井花水調服或吹入喉中

聖礪砂散 治咽喉瘡腫閉塞不通

礪砂

殭蚕

百藥煎

川芎各三錢

山豆根

盆硝

薄荷

紫河車各半兩

青黛一錢

右為末用五分吹入喉中水調亦可

如聖勝金錠

治咽喉急閉雙單乳蛾重舌木舌並皆治之

硫黃研

川芎

臘茶

薄荷葉

川烏炮

硝石研

生地黄各二兩

右為末取生葱汁搜和為錠子每服先用新汲水灌漱次嚼生薄荷葉五七片却用藥一錠同嚼極爛以井水嚥下甚者連進三服外以一錠安患處其病隨藥便消

醫林祛毒牛黃丸 治咽喉腫痛舌本強硬口内生瘡膏膈不利

牛黃三錢

礪砂

桔梗

生地黄

犀角屑

人參

琥珀研各半兩

寒水石煨去火毒二兩

鉛白霜

冰片

雄黃各一兩

蛤粉飛四兩

玄參

升麻各三錢

朱砂研七錢

右為細末研勻煉蜜丸彈子大金箔為衣磁罐收貯每服一丸

濃煎薄荷湯化下或新汲水下日進三服噙化亦可

麝香朱砂丸

治咽喉腫痛閉塞不通舌根脹痛或生瘡癤

麝香二錢

硃砂二兩半

礪砂三兩

寒水石煨四兩

馬牙硝

鉛白霜

片腦各三錢

甘草

右為末甘草膏和凡梧桐子大朱砂為衣不拘時噙化二丸
七寶散治喉痺及纏喉風

直殭蠶十箇

硼砂

雄黃

全蝎金者十箇去毒

明礬

猪牙皂角炙去子核皮各一錢

膽礬五分

右為細末每用一字吹入喉中即愈

防風散 治咽喉疼痛虛者少用實者多用

防風一兩

羌活

殭蠶

大藥子蜜炙

硼砂

荆芥

黃藥子

大黃溫絲包煨今香熟

細辛

川芎

紅內消

山豆根

鬱金

甘草已上各半兩

牙硝三錢

蘓州薄荷半斤

右為細末研薄荷汁同蜜少許調每服一匙不拘時服

醫林透天一塊水

治一切風熱喉痺口舌生瘡頭目不清痰喘

黃連一錢

水片

硼砂

薄荷葉

檳榔

蒲黃

甘草各錢

荆芥穗

黃檗各五分

白沙糖半兩

右為細末煉蜜為丸如芡實子大每服一丸噙化

消毒犀角飲子 治內蘊邪熱咽喉不利腮項腫痛結核風疹

荆芥四錢

防風一錢

甘草二錢

牛蒡子一錢

右作一服水二盞煎八分食遠服

東通關飲 治喉痺腫痛不能言但可進藥無不愈此從治之法也

人參

白朮

茯苓各一錢

炙甘草錢半

桔梗二錢

防風七分

荊芥

薄荷

乾姜炮

或加熟附子各五分

水二盞煎七分徐徐與之

二蜜附子 治腑寒咽閉吞吐不通

大附子

一箇去皮臍切作大片蜜塗炙令黃以口含之嚥津甘味盡再塗蜜炙用

秘立効散 治喉痺卒不能言水漿不入

白礬為末

淨朴硝為末各五分

土牛膝根洗淨搗汁半盞入二

末和勻嚥漱吐出有物即隨汁出可以開喉二三愈

通關散 治咽喉腫痛水穀不下

青鹽三錢

桔礬二錢

硃砂一錢

右為末以藥少許吹入喉內有涎吐出一二次腫立消

一提金 治咽喉腫痛

老黃瓜

一條去子用皮硝填滿陰乾

為末每用少許吹入喉內即愈

經冰梅丸 治十八種喉痺俱効

大南星

二十五箇鮮者

大半夏

二十五箇鮮者

桔梗

二兩各切片

皂角

炙去

食鹽

白礬

防風

朴硝各兩

七分黃熟大梅子一百箇先將硝鹽水浸一周時然後將各藥

研細入水拌勻以梅置水浸過三指為度七日取出曬乾又浸

又晒候藥水盡為度將梅子入磁罐中密封如霜衣起尤妙要

用時以薄綿裹之噙在口內嚥津液徐徐下痰出為愈

經 青梅煎 五月五日製治喉痺

青梅 二十箇五月初一用鹽十兩醃至初五取梅汁和藥 白芷

羌活

防風

桔梗 各二兩

明礬 三兩

猪牙皂角 三十條

右為細末以梅汁拌和勻用磁罐收貯如前法噙之

易簡諸方

肘後方 治喉痺腫痛 臘月猪膽一枚入白礬末令滿為於無烟

處乾為末吹入喉効又方山豆根清水浸少頃口含嚙苦水愈

又方用鴨嘴膽入青魚膽內陰乾為末吹入喉中

便宜方 治喉痺用豆豉煮汁含嚙

一方以...絞取汁含服

一方 治急喉風牙關緊閉以巴豆去殼紙包去油在紙上燃作

紙擦點火吹滅以烟薰入鼻中即時口鼻流涎牙關遂開

外臺秘要 治走馬喉痺并毒氣壅塞用覆梗二去蘆頭淨剉咀

以水四盞煎至一盞去渣不拘時分二服効

一方用...研末以筋頭點入喉乾懸癰腫痛處良

靈苑方 治急喉痺遂巡不救用皂角去皮子生用半兩為末以

筋頭點少許於痛處更以醋調藥敷項下須臾便破血出愈

又方 治喉痺并毒氣以生薑二升搗取汁一升入好蜜五合慢

火熬至八分每服一合日三五次

集驗方 治纏喉風及喉痺走馬牙疳用蠶退紙不拘多少燒存

性為末煉蜜丸芡實大無時含化一丸噤津効牙宣者指牙上
又方 治喉中乳蛾用**大鮮魚膽汁**搜和官粉歲之每用少許筋
頭點喉中蛾即退

又方 治纏喉風以**生白礬**研細末冷水調下二錢

又方 治喉項腫不下食以**生韭**細搗敷項上効

本草方 治喉痺初起腫痛用**硼砂**含噤津効

又方 治熱痰喉痺用**蘿蔔汁**和**皂角**漿水飲吐之愈

鍼灸法

喉痺內經灸刺有二今以經脈所過咽喉取之驗者及他病相干
而致喉痺取之者通有六經也○喉前痛取手足陽明脈

喉痺不能言取之陽明曰足陽明胃脈從人迎前下人迎附噤嚨

所生病者頭腫喉痺視盛虛寒熱陷下取之又曰足陽明之別名
曰豐隆去踝八寸別走太陰其病氣逆則喉痺卒瘕取之所別也

喉痺能言取之陽明有曰大腸手陽明脈所生病者喉痺視盛虛
寒熱陷下取之

喉痺取手少陽經曰三焦手少陽之脈上頂繫耳後是動則病咽
腫喉痺視盛虛寒熱陷下取之又云邪客於少陽之絡令人喉痺

刺手中指次指爪甲去指端如韭葉壯者立已老者有頃已左取
右右取左

肝足厥陰之脈循喉嚨之後故喉之後痛者取之累驗也

腎之少陰之脉上貫肝膈循喉嚨竇漢卿謂必准者**照海**治喉中之脾寒是也此二經脉所過咽喉之地者也

天陵穴因他病相干致喉痺者取之經云心欬之狀喉中介介梗狀甚則咽腫喉痺取心之俞則天陵是也

喉通取之少陰腎經曰腎之少陰之脉所生病者咽腫上氣嗑乾舌痛又云嗑中痛不能納唾時不能出唾者刺**然谷**之前出血立已左刺右右刺左

照海取于太陽小腸經云小腸子太陽之脉是動則病嗑痛頷腫視虛實寒熱陷下取之也

天柱
天突上穴並治喉腫唯痛不能言

二間治喉痺咽如梗
行間治喉痺氣逆咽如扼狀

少商治喉痺三稜針刺出血立愈其穴在兩手大指內側去爪甲角如韭

合谷治喉痺針五分立愈
陽谷

手大指甲後第一節或灸三壯或刺出血治喉痺男灸左女灸右

道引法

治喉痺就令患者將手大指第二節屈蹙急令張口勤勤堅咬其氣通暢血絲自散腫亦消矣

諸物哽喉

陳無擇云治哽之法皆以類從如鷓鴣豨獺治魚骨哽磁石治鐵鐵哽髮灰治髮哽狸虎治諸骨哽亦各從其類也

治哽用吐法最妙

凡物哽者蓋以食入喉而物不順致物刺住而不能下推之以理
反而上出則為順焉為治者即當涌吐乘其飲食之出而上送此
其順而易為如拔刺之法也若刺之深者必欲推下非惟理勢不
能延遲日久則咽喉漸腫其刺愈深腹中飲食消盡須欲涌吐而
無推送之物矣欲食而不能下如此因循多致不救

骨哽諸方

一方 治骨哽不得出 **砂仁** **甘草** 為末綿裹含徐徐嚥津久隨痰
古今秘驗方 治骨哽橫喉中六七日不出取 **鯉魚鱗** 燒為末
以水調之即出未出再服

一方 治魚骨哽小嚼 **韭白** 令系以細繩繫口中吞韭到哽處引
之哽骨即隨出驗

一方 治魚骨哽用水一盞 自然以左眼睛於水中書 **龍字** 服之
不過二盞則下小兒遇哽大人如前書水中服之妙

一方 用 **山栗紅果** 獨根向下者取來與 **玉簪花根** 同搗自然汁
用竹管灌入喉中不可着牙着牙則牙化 山栗果則
山查是也

一方 誤食魚骨久而不出以 **皂角末** 吹入鼻中得嚏而哽出
陳氏方 治雞骨哽以雞汁化哽藥下或食 **飴糖** 一大塊滿吞下

又方 用 **狸骨** 燒灰調下少許効
一方 治魚刺哽用 **獺爪** 爬喉嚨下其骨自下或用獺骨含口中

即下有**金鳳花子**嚼爛噙下無子用**根**搗爛絞汁下

一法用魚骨頂在頭上咬聲則出又法用本魚骨左右手反覆擲背後立出

外臺秘要 治魚骨哽口念鷓鴣七遍用水嚥下

又方用**萱草根**搗取汁吞之立下

又方用**薔薇根**為末水調方寸匕

又方治諸骨哽以**野苧根**搗爛如泥用**龍眼肉**大化下如被雞骨哽者以雞羹化下如魚骨哽者以魚羹化下

又方用**楮實子**搗汁服

衍義方 治魚骨哽用**橄欖**味澁食久則甘嚼汁嚥下

斗門方 治骨哽用**鹿角**為末含嚥津下

又方治髮哽用**舊米糝**燒灰酒調下

丹溪方 良魚骨下肚內刺痛煎**桑葉**湯盞飲之骨軟而出或用好米醋飲半盞亦軟而痛止

一方治誤食麥芒刺入喉中將鷺倒提口流涎以碗盛之飲少許即隨涎而下

一方治篋刺入喉用**多年竹筍**棍急流水煎湯服

錢哽諸方

山居溪食吞銅錢在喉用**生苧菰**搗汁呷飲

外臺方 治誤吞錢并金銀物在喉以**胡粉**一兩搗硝石少許服

古今圖書集成醫部全錄卷之六十五

作二服如吞金銀在腹中服此俱消下

又方 治錢哽 **文**一把水五升煎一升頓服便下

錢氏方 治誤吞錢 **百部根**四兩酒一升浸一宿温服一升

葛氏方 治誤吞釵取 **雄黃**晒令萎黃煮熟勿切食一大束即下

一方 治魚骨竹木等物哽咽不下用 **象牙屑**為末水調一錢服

道藏經呪法

呪曰吾請老君東流順水 老君奉勅攝攝攝法毒水吾託大

帝尊不到稱吾者各各現帝身急急如律令奉勅攝一氣念遍

又以左手屈中指無名指作三山印上坐淨水一碗右手掐卯

文作金鎗印左手在下右手在上左手象地右手象天虛挽虛

卓九次為定左足橫右足豎作丁字立如法作望日月燈光取

氣一口吹在盞內此法百無禁忌用法之時以正神氣是也

神方呪法 治骨哽急無藥處用新汲水一盞呪曰吾順東流豈

毒業一氣念七遍急急如律令攝望日月燈光收氣吹入水中

令患人大喫三口水須臾即下

九龍入洞法 左手掐三山訣捧淨水一盞向東右手掐劍訣寫

雲龍鬼三字於水內念呪云此盞化為東洋大海咽喉化作萬

丈深潭九龍入洞之法吾奉 太上老君急急如令勅吞法水

一口哽隨化今人每用寸長竿竹九節置口中如法吞若無物

凡治哽所傷之物下咽不可便與米湯米飯吃恐米粒入瘡口中

古今醫統卷之六十五
且吃羹數日為美前呪能治一切諸物諸骨并絲髮纏喉不下
內經曰不因氣動而生病於外者用藏經呪法治之是也

醫說一兒誤吞釣魚鈎在喉諸醫不能措手一人偶見吞鈎雖在
喉鈎線幸在外遂以意療用數珠子穿在鈎線上逐箇送喉中
以數珠底鈎頂其利嘴一掣而鈎上出遂獲安此亦意見也
子和治一兒誤吞錢在喉不下諸醫不能取戴人思得一策以淨
白表紙卷實如箸以刀從橫亂割其端用作鬚髮之狀又別取
一箸縛針鈎於其端今不可脫先下咽中輕提輕抑一探之覺
鈎入其錢竅然後以紙卷納之咽中與鈎尖相底一掣而出

古今醫統大全卷之六十五終

古今醫統大全卷之六十六

面部候

病機敘論

靈樞經曰首面與身形也屬骨連筋同血合於氣耳天寒則冽地
凌冰其卒寒或手足懈惰然其面不衣何也岐伯曰十二經脉三
百六十五絡其血氣皆上於面而走空竅其精陽氣上走於目而
為睛其別氣走於耳而為聽其宗氣上出於鼻而為臭其濁氣出
於胃走唇舌而為味其氣之津液皆上薰於面而皮又厚其肉堅
故大寒甚熱不能勝之言也○又曰頭面者諸陽之會也

難經曰人面獨能耐寒者何也諸陽脉皆上頭故冷面耐寒也又

云手足六陽之經皆上至頭而走陽明胃之經起鼻交頰入齒中
俠口環唇循頰車上耳門前過客主人穴若胃中風熱上攻令人
面腫或面鼻色紫風刺癢疹或熱或寒當分虛實寒熱調治之

面熱面寒

徑曰面熱者足陽明病熱而寒者為胃寒陽明胃經氣盛有餘則
身以前皆熱况其人素食膏粱積熱於胃陽明經多血多氣木實
則風熱上行諸陽皆會於頭目故面熱之病生矣先以**調胃承氣**
湯七錢加黃連二錢犀角一錢疎下二三行徹其木熱次以**升麻**
加黃連湯去經絡中風熱上攻如此則標本之邪熱退矣
面腫屬肝風胃火而浮屬脾上肺金

面腫與浮最宜分別腫則為實因風火上炎紅腫而熱或按而痛
此邪有餘脉必急躁緊實當用**防風通聖散**之類散而寫之

面浮則為虛因脾傷勞役飲食失節水土不調脾氣輸散不常肺
氣傳布失度故面虛浮眼下如卧蠶之狀或有氣喘皆其候也此
正氣不足脉必虛弱或浮而無力當用**實脾散**順氣消滯分利之

面色應五臟

難經云**肝外證面青**喜怒善怒**心外證面赤**口乾善笑**脾外證面**

黃善噫善思善味**肺外證面白**善嚏善愁不樂欲哭**腎外證面黑**

善恐欠○久病人面色轉黃此欲愈也○病人面紅難愈○不病
人面色紅有肺火○瘦人面紅血虛有火○瘦人面白色如枯骨

此血虛氣弱當防痰火病作亦難治○女人面兩顴頰紅色名曰帶桃花此肺金燥火所乘心火剋肺大腸膀胱無陰故多淫而無子○女人面色青者性惡多怒○面黃者乃脾胃濕熱病黃而兼青色者為木剋土主死不治○不病人面色如灰塵眼下青黑即有病至不能治○病應愈面色如煤不聞者終必死

治法

治頭面腫子和汗法速効

戴人治頭面腫者為風乘陽明經也陽明為氣血俱多乃與**通聖散**入薑葱豆豉同煎服取微汗以草莖刺鼻中出血其腫立消卒者不可不知也

面浮氣喘者有虛有實虛者宜理脾調氣實者宜降氣瀉氣

降氣湯木香檳榔丸皆可選用

藥方

和防風通聖散 去硝黃加生薑葱白豆豉煎服取汗 方見風門

治面目皆腫風火炎上者一服立愈大便結者不去硝黃

木香檳榔丸 治氣喘面浮腫胃膈飽悶 方見氣門

升麻黃連湯 治面熱

升麻 葛根 各錢半 黃連 酒炒 黃芩 酒炒各六分

炙甘草 白芷 各五分 芍藥 七分 生犀角

川芎 各四分半 荆芥穗 薄荷葉 各三分

右咀作一服水一盞煎八分食後服

升麻附子湯 治面寒

升麻

葛根各一錢四分

白芷

黃耆酒炒

附子炮各九分半

草豆蔻

人參各七分

益智

甘草炙各四分

水二盞葱白五莖煎八分食後服

胃風湯 治虛風證能食麻木牙關緊搐目瞬動胃中風熱故面

獨腫宜用此方

升麻

白芷各一錢

乾葛

蒼木製各五分

柴胡

藁本各二分

羌活

黃蘗

蔓荆子

甘草炙各半分

草豆蔻

白薑各二分

當歸七分

麻黃三分

水二盞棗二枚煎八分食遠服

梔子荆芥湯 治頭面生瘡

梔子

荆芥

黃芩

川芎

白芷

白芍藥

桔梗

生地黄

升麻

枳殼麸炒

大黃各一錢

甘草二分

右水二盞煎八分食後服

玉容散 治面生黑點雀斑

甘松

三柰

茅香各半兩

白芷

白芨

白歛

白僵蚕

白附子

天花粉

蒸豆粉各一兩

防風

零陵香

藁本各二錢

肥皂二定去皮弦

為細末每早洗面

白附丹 治男子婦人面生黑斑點

白附子

白芨

白蘇

白茯苓

蜜陀僧研

白石脂研

定粉研各等分

右為末人乳汁和凡圓眼大陰乾用時先用洗面洗淨次用温

漿水磨化敷之或為末乳汁調敷亦可

胡粉丹 治前證

胡粉

蜜陀僧

白芷

白附子

白茯苓各等分

右為末先用蘿蔔煎湯洗面淨後用羊乳調藥

至夜傳患處次早洗去

黃連散 治面部熱毒惡瘡

黃連

黃檗炙

胡粉炒

右為末香油調敷猪油亦可

礬硫散 治風熱上攻陽明經面鼻氣色風刺癢疹

枯礬

硫黃各半兩

右為末入丹染與色同用津調塗敷內服防風通聖散

硫黃膏 治面部生瘡或鼻赤風刺粉刺

生硫黃

白芷

天花粉

膩粉各五分

芫青七箇去翅足

全蝎一枚

蟬退五箇

右為細末用麻油黃蠟約如合面油多少熬溶離火方入前末

藥和勻每用臨卧時洗面淨以少許塗面近眼處勿塗數日間腫處自平赤鼻亦消退風刺一夕見効

疔腮

疔腮牙病而外及於腮頰俱腫是也

山居治疔腮用雞子清調赤小豆末傅之

易簡諸方

梅師方 治人面目卒得赤黑丹如疥狀不急治遍身即死

燒末猪脂和塗之

又方 治人頭面患癰瘍用雄黃 硫黃 硃砂 雄雞為末猪脂和塗

又方 無青子 二兩 杏仁 一兩 並搗 瓜棗 一箇 剉 五具用淳

酒四盞浸之至夜溫熟傅患處其皮膚光白若赤可加生肌散

一兩大毒七枚自白

肘後方 治面目身上赤斑或痒或癩子腫起不即治之日益甚

用殺羊角燒為灰研極細以雞子清和塗之効

又方 治面黥黥如雀卵色以殺羊膽一枚酒三盞同煮三沸以

塗拭之日三度瘥

又方 治前證以苦酒漬白不用汁常以拭面即漸愈之

又方 治面及鼻病酒釀以枵腹杵爛水調敷之

聖惠方 治黑痣生於面用藜蘆灰五兩水一碗淋灰汁銅器中

盛以重湯煮令如黑膏以針微撥破痣處點之良不過三次

又方 治黥點用**蜜陀僧**一兩細研以**人乳汁**調塗面每夜用之
効或同煎二三沸塗令面光澤

又方 去黑子夜以**暖漿**洗面以布指黑子令赤痛水研**白檀香**
濃汁塗之旦又以漿水洗面仍以**鷹屎**粉黑子上點洗之妙

又方 治面疔疔及產婦黑疔如雀卵色用**白茯苓**末蜜和傅之
崔元亮海上方 滅癩膏用**黃礬石**燒令汁出**明礬**炒令黃各八

分惟要細研以臘月猪脂和更研如泥取生布拭患處令痛即
用藥塗五度後取鷹屎白燕窩中草燒作灰各等分人乳調塗
之其癩自滅內平如故

葛氏方 治黑點令人面色好用**白檀香**等分為

末人乳凡菜豆大臨洗面時溫水化開洗面効

孫真人食忌云 炊湯經宿洗面令人無顏色炊湯洗浴令人成
癬未經宿者亦然

一方 療人面黥令人細膩用**鹿角末**取實白處於平石上磨濃

取一合**蘇美**一兩搗末密絹篩和鹿角汁勻每夜先以暖漿水
洗後傅藥二三次七日顏色好塗藥勿見風日慎之

又方 治面上暴生瘡用**白香**搗爛以雞子清調如煎餅至夜
洗面塗之旦以水洗之數十次愈

子母秘錄 治面上黥黑子以**李核**去皮細研以雞子清和如
餵至夜塗旦以水洗之後塗胡粉不過五六日有効慎風

衍義方 用**石灰**水調一碗如稠粥揀好**糯米**粒全者半置灰中

半灰外經宿灰中米色變如水精若人手面上有黑鬢子及紋刺先微微以針頭撥動置少許如水精者於其上經半日許鬢

汁自出則去藥不用且勿着水二三日效

又方 治指甲爪破面用**生薑自然汁**調**輕粉**傅破處無痕

又方 治粉刺以**白礬末**少許酒調塗之

又方 治頸油污衣領者每早梳洗畢以**雞子清**用手擦頸上并

髮際雖新衣亦不污也至妙

千金方 治面生粉刺搗**細麻子**絞取汁塗之妙

又方 治面上皴刺疔黥用**木蘭皮**細切一斤以三年酢漿浸之

百日出於日中晒搗末漿水調服方寸七日三服良

又方 治鼻面酒皰用**鵝鴨糞**二合研臘月猪脂和每夜傅之

又方 **冬瓜子**退去皮搗為丸空心服三十九令人曰潔如玉

醫案

一人不病忽一日滿面黑色自想氣色黑者死求醫診視一醫為

診脉無病似為穢氣蓄於面部不散故致黑色曾有是患者曰

果登廁被臭氣隱忍良久下廁遂有此醫曰去惡臭無過至香可

用沉檀焚爐中安帳內患人以被圍坐勿令香氣散出瞑目端坐

候香氣盡方可揭帳依其法行之面色漸變旬日如故

一人年六十身瘦弱病頭面不耐寒氣弱不敢當風行坐諸藥不

効醫為診脉皆絃細而微且其人年高素食茶果而陽明之經本
虛經云氣不足則身以前皆寒慄此由胃氣虛不上榮於頭面故
惡風寒先以附子理中湯温其中氣次以升麻加附子主之

鍼灸

啗谷 面腫目瘡腫
刺出血立愈

頰車 頰腫口急頰車痛不
可以嚙鍼灸皆可

合谷 列缺

地倉 面含腫生
瘡皆可用

取胃經 其一云足陽明之脉是
動則病洒洒惡寒顏黑

取腎經 其二足少陽腎脉是動
則病明不欲食面如赭

熱視盛虛
寒熱取之

少陰絡 治面黑齒長
而治腹脹閉

太陽絡

太陰絡 腹脹閉不得息善噫嘔
逆則面赤不逆則面黑

鬚髮明

病機敘論

靈蘭秘典篇曰腎者主腎封藏之本精之處也其華在髮

五藏生成篇曰腎之合骨也其榮髮也多食甘則骨痛而髮落

註云甘益脾勝於腎腎
不勝故骨痛而髮脫落

上古天真論曰女子一七歲腎氣實齒更髮長五七陽明脉衰面

始焦髮始隨丈夫八歲腎氣實髮長齒更五八腎氣衰髮隨齒稿

巢氏病源云足少陽膽之經其榮在鬚是少陰腎之經其華在髮衝

任之脉為十二經之海謂之血海其別絡上唇口若血盛則榮於

頭髮故鬚髮美若血氣衰弱經脉虛竭不能榮潤故鬚髮禿落

靈樞經帝曰婦人無鬚者無氣血岐伯曰衝脉任脉皆起於胞

中上循胃裏為經絡之海其浮而外者循腹上行會於咽喉別絡

唇口今婦人之生有餘於氣不足於血以其數脫血也而經通故

云數脫血衝任之脉不榮口唇故鬚不生焉又曰人有傷於陰之氣絕

而不起陰不用然其鬚不去宦者獨去其故何也岐伯曰宦者去

其宗筋傷其衝脉血瀉不覆皮膚內結唇口不榮故鬚不生有人

未嘗所傷不脫於血其鬚不生何也曰此天之所不足也稟衝任

不盛宗筋不成有氣無血唇口不禁故鬚不生

眉鬚髮總為多血之經

帝曰鬚髮黃赤者多熱多氣白者少血少氣黑色者多血少氣美

眉者太陽多血通鬚極鬚者少陰多血美鬚陽明多血此其時也

治法

岐伯曰上古之人其知道者法於陰陽和於術數飲食有節起居

有常不妄作勞故能形與神俱而盡終其天年度百歲乃去

甫謂果能如古人之知道則不須藥其鬚髮必能與形神俱而不衰白也今人不能如古人又不知資給之養其不早歲墮白

者幾希愚見今人七情六欲內外交侵若不藥方藥以資之鮮有能存其形神者也必於四八之年先備滋益之藥不待於既

衰之後用之亦是追及古人之十一也校之自棄者不亦偉哉此則所謂雖不盡其自然之天是亦其次曲而存之者也

鬚髮黑美須養氣血之十全

氣血盛則鬚髮美氣血衰則鬚髮白此必然之理也人年三十之

後常服補腎滋陰之藥保和氣血至老頭鬚不白信有驗矣用藥

於既衰之後豈能及之乎如凡事止於未動之先則易為矣若於

既去之後而欲挽復之者鮮有及焉

黑髮烏鬚當知六子延齡益質須重七环

神仙六子丸七环至寶丹二藥皆滋陰之妙劑人於鬚髮未白之先製此二藥常常相間吞服不息必能益壽烏鬚若暫服不常故難取効知者審之

藥方

神仙六子丸 男子三十年後服此藥一歲二單製服不息永不

白鬚髮年四十之上或有微白及少年人焦黃不潤服此百日

自然漆黑其効如神

兔絲子製如法 金鈴子 覆盆子 五味子

枸杞子 蛇床子炒各一兩 何首烏酒浸一宿焙 牛膝同上

地骨皮 熟地黄酒浸各三兩 舶上茴香鹽炒 川木瓜各二兩

右十二味為細末用浸兔絲酒澄清作糊為丸梧桐子大每服五十九空心食前溫酒送下一方加人參白朮白茯苓各加一兩尤有神効服此大忌三白失禁不効

七环至寶丹 又名七宝美髯丹 方見虛損門中

張天師草還丹 久服輕身如列子之乘虛白髮反黑

地骨皮 生地黄酒洗 石菖蒲 川牛膝酒洗

遠志 兔絲子製如法 等分為細末煉蜜丸梧桐子大

每服五十九空心酒下不飲酒鹽湯下製時忌女人雞犬

東青絲散 補虛牢牙黑髮

白芷

茯苓 各半

細辛

當歸

川芎

甘草

甘松 各二

升麻

旱蓮草

地骨皮

生地黄

熟地黄

青鹽

破故紙 各三

寒水石

香附子製

何首烏 各二

麝香 五分

細茶末 二錢

右為細末倉日為始背東面西擦牙早不見日晚不見燈擦畢

嚙藥漱津塗鬚一月白者及黑忌三白

二七丹 大能黑髮其功無比

瓊玉膏

補氣血黑髮

八珍湯

久服烏髮黑髮

三方並見虛損門

三青膏 黑髮有驗

生胡桃皮

生酸石榴皮

生柿子皮

右先將石榴剝去子入丁香裝滿稱過分兩然後却將胡桃皮

柿子皮與石榴丁香等分晒乾同為紙末用牛乳和勻盛於錫

瓶中或磁瓶中封口埋於馬糞內十日取出將白線一條扯緊

點此藥於中即走至兩頭皆黑者是藥中也如不走不黑再埋

馬糞中數日

三聖膏 治髮髮脫落能令再生

黑附子

蔓荊子

栢子仁 各半

右為末用烏雞脂搗和令乾以磁瓶封口百日取出塗髮脫

洗處日二三次五日便生自然牢壯

巫雲散 黑髮極效

五倍子炒

百葉煎

膽礬

青胡桃皮

酸石榴皮

訶子

木瓜皮

猪牙皂角

何首烏

細辛各特分

石為細末煉蜜丸如小錢大常以木炭灰內培養勿得離灰如要烏髮時用熱酒化開塗之大能黑潤

五神還童丹

一名五精丸

堪嗟髮白如霜

要黑元來有妙方

不用擦牙并染造

都來五味配陰陽

赤石脂與川椒等

辰砂一味最為良

茯苓能養心中液

乳香分兩要相當

棗肉為丸桐子大

空心酒下十五雙

十服之後君休摘

管教華髮黑而光

兼能明目並延壽

老翁變作少年郎

赤石脂

川椒

辰砂飛

茯苓

乳香各

為末棗肉杵丸梧桐子大空心酒下三十九

點白及黃髮方

母丁香為末

和姜汁調如膏每日按去白以銀簪挑點根孔再

生即黑有效又方用黑染椹和油核桃肉搗成泥點白再出黑

解熾髮醒頭膏

荊芥穗二錢

香油半兩

栢子油少許

先以荆芥入油煎焦再加栢油少許擦髮項時梳之自開

北通用烏鬚方 兩京各處烏髮惟此方頗好用之雖不至簡至妙

然不壞髮傷肉製得法者可黑一月

五倍子 要川中大者打如豆大鍋內炒黑色白烟起時自然炒

紅銅花 用細紅銅絲炭火煨醋中淬之不拘 皂礬三分

明礬三分 沒石子一分 食鹽二分 硃砂淨一分

每次染時旋配倍子末以二錢為則銅四分餘皆一二分和勻

作一幅以燒酒或煎濃茶用磁酒盃調如稀糊坐湯中煮之盃

內綠氣生面為好先用皂角湯洗髮淨拭乾將藥以掠柄塗上

以皮紙卷濕包之或以青布囊囊之過夜次早溫水洗之不潤

用胡桃油搥指潤之一連染二夜其黑如漆亦妙

經 驗 擦牙烏鬚方 先期而擦者永不再

青鹽一斤 嫩槐枝葉 五斤 黑鉛 四兩 沒石子 七錢

右用黑鉛青鹽入鍋同槐枝炒攪俱以成灰提起聽用將沒石

子研細末和入用磁器盛之每日早晚洗面畢以藥擦牙漱水

吐掌內擦鬚久久自然潤黑

牛膽散 明目清心壯精神黑鬚髮去風濕補虛損

何首烏 白茯苓 槐角子 各二兩 當歸

生地黃 各一兩 為末裝入臈月黑牛膽內挂於背日透風處十

日取出晒乾研為末酒調二錢常服之髮永不白

二仙丹 久服永黑

何首烏 川牛膝 各一斤製法用黑豆蒸但要

類烏鬚羊肝丸 不獨烏鬚亦能明目

黑羊肝 一具竹刀切片磁盆晒塗之以羊膽晒乾又塗至三五

熟地黄 六兩 當歸 酒浸 川芎 白芍藥 酒炒

何首烏 如法 旱蓮草 如法蒸 覆盆子 炒 山茱萸肉 各三

白茯苓 人乳浸日晒 夜露候乾用 生地黄 酒浸一宿 晒乾四兩

血餘 壯年人童男女及自己髮為佳多至一二斤用皂角湯洗

淨再用花椒湯洗晒乾入砂礮炭火燒成灰放地上三月

出去火毒取 右除血餘不磨以群藥共為末另用熟地十

二兩酒煮濃汁二碗作糊為丸梧桐子大空心酒下八十九臨

睡酒下五十九極能烏鬚髮聰耳目悅顏色

洗髮菊花散 治鬚髮乾燥能令潤澤

乾菊花 兩 川芎 蔓荊子 乾栢葉

桑白皮 香白芷 細辛 旱蓮草 各一

右咀每次二兩漿水三碗煎至二碗去渣洗髮大妙

丁砂散 掠鬚髮

大訶子 一箇煨 母丁香 百藥煎 一錢 鐵砂 少許醋

陳茶葉 一撮

右為極細末水一碗熬數沸不去滓放在淨磁器內每夜臨卧

溫漿水洗淨鬚髮拭乾以藥水掠之次早溫水洗淨百日後其

髮自黑婦人用之尤好用藥時取新鐵丁一枚浸之妙

滋榮散 長髭髮不落

生姜皮 焙乾 一兩 人參 一兩

右為細末用一姜一塊切斷蘸藥擦落處自長一日一次

又方 治髭髮黃赤一染即黑

生地黃 各半斤洗淨石臼杵 絞取自然汁留查用

右用不蛀皂角一條去皮弦蘸前藥汁慢火炙黃以汁完為度

却將前查同入罐內火煨存性為末用鐵器盛之每用三錢白

湯一盞調勻放三日臨睡時將藥塗髭髮自然即黑

五汁膏 一染即黑

鮮胡桃皮 鮮酸石榴皮 黑桑椹 旱蓮草

鮮生地黃 右各及時取汁磁盆晒作餅為末和合用城水

調少入明礬食鹽和如稀糊染如常法

易簡諸方

千金方 治白髮還黑 **烏之麻** 九蒸九晒為末以束肉丸服之

又方 治髮落不生令長 **麻子** 一升炒黑壓油搽頭髮妙

千金翼方 治髮薄不生先以米泔洗禿處以生姜指令大熱臍

月猪脂搥入生鐵一塊煎煮數沸傳之遍生

道藏經方 治髭髮脫落更生 **桑白皮** 四兩咀六二碗煎五六沸

去滓洗沐自然不落落者更生

又方用**羊糞**燒灰淋汁洗之二三日一度不過十度自生

外臺方 治人無髮用**甜瓜**搗汁塗之即生

又方 治髮黃赤用**好醋**二碗**大黑豆**半升熬令稠粘傅之即黑

子母秘錄 治髮黃又脫落收**白髮**皂角洗淨晒乾每一兩入

花椒瓣五十粒泥色炭火煨如黑糟細研為末每服一錢好酒

空心調服大能長黑

梅師方 治少年白拔去以**白蜜**點毛孔中即生黑髮不生者取

梧桐子搗汁塗上自生且黑

張潞方 烏鬚大効用**小雄雌烏雞**一對淨處餵養不得雜羣雞

只與黑芝麻一件并水吃不可食雜物長大生卵時專記先生

者收之為號用**好朱**一兩畧破卵頭一小孔入朱砂用皮紙

糊封孔子數重時用後生之卵一齊令雞抱之候雞雛出時其

藥卵自然結實打破取出爛研如粉蒸餅和丸如棗豆大不計

時候酒下五六丸黑者不白白者變黑

孫真人食忌 治髮落不生以**側柏葉**陰乾為末菜油調塗

又方 治髮黃以**雞頭**塗髮梳之時散頭髮入床底伏地一食之

間即黑不過一升脂甚驗

古今醫統大全卷之六十七

瘰癧候

病機

瘰癧敘論

瘰癧之病乃足陽明之經與任脉二經氣血凝滯加以憂鬱之所成也何則陽明為多氣多血之經任脉為陰血之至脉氣滯上焦即血不下流而著於任脉之杪故多著於項頂皮寬處是也

外科精義云人之氣血循環一身常欲無滯留之患倘喜怒不節憂思過度調攝失宜以致氣滯血凝而成瘰癧既久血氣寢衰不能攻擊其形堅實無如之何

五癭六瘤其狀各異

五癭者一曰**肉癭**其肉色不變軟硬中和二曰**筋癭**其筋脉露呈

三曰**血癭**其赤脉交結如纏紅絲四曰**氣癭**憂愁腫甚喜樂漸消

隨氣消長五曰**石癭**其中堅硬如石不能轉移是也

瘤病有六者一曰**骨瘤**二曰**脂瘤**三曰**肉瘤**四曰**膿瘤**五曰**血瘤**

六曰**石瘤**是也癭瘤一證雖不痛癢誠不美觀治之不得其法者

又莫如弗治之為愈也嘗見用鍼及爛藥決破膿血崩潰滲漏不

已而致死者其間肉癭石瘤攻治尤所不可惟氣癭粉瘤之類可

以服藥而痊醫此者慎毋輕忽也

治法

治癭瘤以削堅開鬱行氣為本

經曰堅者削之留者攻之結者散之鬱者達發奪泄折之是也如

海帶昆布之鹹以軟堅黃藥子之苦辛以行氣**破**之類是也

丹溪云治癭必須斷厚味

子和治法

一婦人年四十有瘤三瓣戴人令以鹹吐之一涌二汗三下癭以

半消次服化癭之藥遂大消去夫病在上者皆宜吐亦自有消息

之法耳

戴人在西華與魏壽之入食肆中見一人病瘤當目上色如灰李

下覆目睛不能視物戴人謂壽之曰吾不待食熟主取此瘤魏未

之信戴人曰吾與尔取去此瘤何如其人曰人皆不敢割戴人曰吾非用刀割別有一術焉人莫知之乃引入一小室中令俛卧以繩束肘刺委中大出血先令手揉其目瘤上亦刺取雀糞立平出戶壽之大驚戴人曰人之有技可盡窺乎

一女子未嫁年十八兩手背有瘤一如雞距一如省角腕不能釗而明望之如桃膠夫姑欲棄之戴人見之曰在手背者為膠瘤在耳者為粉瘤此膠瘤也以排針十字刺破按出黃膠膿三四匙立平更不復作非明者不敢用此法耳

藥方

破結散治五癭

海藻洗

龍膽草

海蛤

通草

昆布

明礬枯

蘿松各三分

麥麩四分

半夏

貝母各二分

右為末酒調服日三次忌甘草鯽魚猪肉五辛生冷毒物

良方 昆布散 治癭氣膏膈壅塞頰項漸粗宜服此

商陸

昆布洗各二兩

射干

羚羊角鎊

木通

海藻洗

杏仁製炒黃色每味各一錢

牛旁子微炒一錢半 右咀分二服每服水盞半姜一片煎六分服

昆布丸 治一切癭瘤

昆布洗

海藻洗

小麥醋煮乾各一兩

右為末煉蜜丸如杏核大每服一丸食後噙化

神効開結散 治男女項下瘰疾不分年歲久遠極有效驗

沉香 二錢

木香 三錢

陳皮 去白 四兩

珍珠 四十九粒 泥固火煨

猪厭肉子

生於猪項圍喉喙系一枚如棗大微扁 色相紅收取四十九枚新瓦上焙乾用

右為末每服二錢臨卧冷酒調徐徐嚥下輕者三五服見効重

者一料全愈修合時用除日効忌酸鹹油膩滯氣物

直秘傳木香散 治一切瘰溜神効

猪膽子

七箇灯盞火烘 過乾為細末

海螵蛸

南木香

青木香

孩兒茶 各半 兩

雄黃

神麩

麥芽

辰砂 各一 錢

右為細末食後臨卧酒送下即

睡再不可言語戒惱怒房室此方累試無不効驗

外昆布丸

治項下卒結囊漸大欲成瘰者

昆布

酒洗

海藻 酒洗各 等分

為末煉蜜丸彈子大含化嚥津

南星膏 治皮膚頭面生瘤大者如拳小者如粟或硬或硬不痛

不疼無藥可療不可輒用鍼灸

生南星

大者一枚細 研稠粘如膏

右以酒三杯調攤貼如無生者以乾者為末投醋研為膏先以

小針輕輕刺令氣透以藥膏攤紙上如瘤大小貼三五次易瘥

鍼砂水 專治氣瘰

鍼砂

不拘多少浸於水缸中平日飲食皆用此水十日一 換針砂服之半年自然消散針砂大能去積滯故也

蠟礬丸 瘦瘤通用常服自然縮小消磨 方見瘡毒門

蜈蚣散 治頰下結核不消經効

大蠶蚕 不計多少 以好酒浸過研爛同酒調開澄去滓臨卧服

治小瘡方 先用甘草煎膏以筆塗瘡四圍乾則又塗凡三次之後以大戟莞花甘遂等分為末

米醋調別筆粧傳其中不得近着甘草處以日縮小又以甘草膏粧小暈三次中間仍用大戟莞花甘遂如前自然焦縮

良方守瘦丸 治瘦瘤結硬

通草 二兩 杏仁 去皮尖細研 牛旁子 各一合 昆布 洗

射干 訶子 海藻 各四兩

右為細末煉蜜丸彈子大每服一丸食後噲化日三服

真苗藥酒 治年久瘦疾

萬州黃藥子 半斤須緊重實者為上如輕虛者即是信州者力緩須加一倍以無灰酒一斗投藥在內固濟

用糠火燒一伏時待酒冷即令患者時時飲一杯勿令絕氣經三五日常把鏡照若消即停飲不尔令人項細用火時不可多惟燒酒氣香出瓶頭有津即止火不待經宿也此方已驗如神半年忌食毒熱物

五瘦丸

芎藭 二兩 海蛤 白鯁 續斷

海藻 松羅 桂心 倒挂草

川椒 半夏 各一兩 神麩 羊膾 百枚

右為細末以牛羊脂髓為丸芡實大每服一丸臨卧噲嚥

濟玉壺散 治三種毒瘦

海藻 海帶 昆布 雷丸 各一兩

廣茂

青鹽各半兩

右為細末老米飲為丸梧桐子大不拘時噙化五丸

和子人參化癭丹

人參

海藻

海帶

海蛤

昆布已上各用火焙

澤瀉炒

連翹各一兩

猪臙子

羊臙子各七故

右為末煉蜜丸芡實大臨卧嚼之一丸忌油膩

謙寶金散 治癭氣無不愈

猪羊臙子各十枚温水洗晒乾杵細末

海藻

海帶各二分

丁香

木香

琥珀

麝香各一分

珍珠半兩

右琥珀射香珍珠另研極細外餘藥為末方

細藥和合再研重羅過每服一錢熱酒一盞調服夜再服
和子枯瘰方 治癭瘤大有神效

雄黃

粉霜

硃砂各一分

輕粉

乳香

沒藥各一錢

土黃三錢

麝香少許

右為細末以津調塗瘰疬外邊留一韭葉先花紙貼之上用

黃膏貼之

用雄黃另末二兩木別子半兩去壳巴豆半兩去油硃砂另研末二錢俱同雄黃一處為末但以木別同石腦油和成一塊油紙包定埋於地坑內四十九日取出磁石器內盛穿作小塊子

小黃膏

黃檗

黃芩各等分

大黃各等分

右為細末以水調為糊比前藥大一遭三日一易至八九上不取直候可取一方止用黃檗末一味亦佳

五灰膏 點癭瘤神驗

桑柴灰

棗柴灰

黃荊灰

桐子殼灰

蕎麥稗灰

各等分

沸湯淋汁五碗澄清入斑猫四十枚穿山甲五

片乳香水片各三錢煎作二碗用磁器盛用時再以新出窰石

灰入乳香水片少許調成膏傅癭上如稠加清水調稀用

丹溪治癭方

海藻

黃連

各一兩

為末以少許置掌中時時舐之津嚥下如消二分之一頃止之

鍼灸法

天突

治一切癭瘤初起者灸之妙穴在結喉下宛宛中三七壯

肩髃

左膊骨頭肩端兩骨間陷宛中舉臂取之男左灸十八壯右十七壯女右灸十八壯左十七壯百後兩髮際亦可灸

臑會

天府

衝陽

氣舍

已上穴治癭瘤並灸

易簡諸方

太平聖惠方

治癭氣結核癭瘤腫硬用

昆布

一兩洗去鹹乾搗

為末每服一錢綿裹於好醋中浸過含嚥津藥味盡再含之

肘後方

治項下卒結囊欲成癭用

海藻

一斤洗去鹹浸酒飲之

不可間斷須要時時飲二三盃有酒氣方妙

深師方

治癭氣取

鹿鞭子

以酒浸炙乾內酒中更令香含嚥汁

味盡更易十具愈

外臺秘要

治咽用

豬肺管上團肉

一塊新瓦焙臨卧酒下

又方 治癭極効用 **黑牛或犏牛喉內巧舌** 并 **咽喉脆骨** 二寸許

一寸連兩邊扇動脆骨或燒或者煮熟臨卧仰睡頓服巧舌多嚼

多嚼一會方嚙其人容貌必瘦減而癭自消矣不二三服極効

又方 用 **自然銅** 貯水瓮中逐日飲水皆用瓮內之水其癭自消

或火燒烟氣久吸亦可

又方 用 **自然銅** 勒癭瘤根極効

結核門 獨形而單核者為結核

經曰 瘤氣結核皆屬於熱

源病式云結核為火氣熱甚則鬱結堅硬如果中核不須潰發但

令熱氣散則自消也

丹溪云結核在項在臂在身如腫毒者多在皮裏膜外是濕痰流
注作核不散若結核在頸項久而不散多成瘰癧必早治之為妙
人多惚畧致成痼疾久廢調理

藥方

結核在項間或耳後

殭蚕 炒 大黃 酒浸 青黛 鵝膽南星 各等分

右為末煉蜜丸嚼下

又方 二陳湯加大黃 酒炒 連翹 桔梗 柴胡 牛蒡子 服

結核在臂

二陳湯加連翹 防風 川芎 酒 蒼朮 皂角 刺殭蚕

滾痰丸 治結核用鹽葱湯吞服一錢三夜消無跡方見痰門
射干 治陰厥陰之積痰結核用射干磨酒服自消甚効

古今醫統大全卷之六十八

關格候

病機

內經敘論

脉要精微篇曰陰陽不相應病名曰關格

王註陽脉而反應之不足陰脉而之應之有餘故曰陰陽不
相應病名曰關格關主不得便溺格主上通上下俱病是也

難經曰五藏之氣於何發起通於何許可曉以否然五藏諸營上

關於九竅也故肺氣通於鼻肺和則知香臭矣肝氣通於目肝和

則知黑白矣脾氣通於口脾和則知穀味矣心氣通於舌心和則

知五味矣腎氣通於耳腎和則知五音矣五藏不和則九竅不通

古今醫統大全卷之六十八

六府不和則留結為癰邪在六府則陽脉不和陽脉不和則氣留
之氣留之則陽脉盛矣邪在五藏則陰脉不和陰脉不和則血留
之血留之則陰脉盛矣陰氣太盛則陽氣不得相榮也故曰格陽
氣太盛則陰氣不得相榮也故曰關陰陽俱盛不得相榮也故曰
關格關格者不得盡其正命而死矣經言氣獨行於五藏不榮於
六府者何也夫氣之所行也如水之流而不息也故陰脉榮於五
藏陽脉榮於六府如環無端莫知其紀終而復始而不覆溢人氣
內温於藏府外濡於腠理

戴氏曰關格者謂膈中覺有所碍欲升而不升欲降而不降欲食
不能食此為氣之橫格也

關格病為陰陽寒熱抗拒不通

潔古云關則不得小便格則吐逆關者甚熱之氣格者甚寒之氣
是關無出之由故曰關也格者無入之理故曰格也寒在胃中過
絕不入熱在下焦填塞不便

雲岐子云陰陽易位病名關格腎膈已上陽氣常在熱則為上病
身半已下陰氣常在寒則為主病寒在胃中舌上白胎而水漿不
下故曰格格則吐逆熱在丹田小便不通故曰關關則不得小便
胃中寒者以熱藥治胃中之寒丹田有熱以寒藥治丹田之熱胃
中有寒丹田有熱上下之法治主當緩治客當急

脉候

經曰陽盛陰不得榮故人迎大三倍於寸口曰關陰盛陽不得榮故氣口大四倍於人迎曰格

尺寸反者陰陽交者為關格主死

寒在上熱在下脉兩寸俱盛四倍以上

仲景云寸口脉浮而大浮為虛大為實此為格

陳氏曰府有邪則陽脉盛藏有邪則陰脉盛陰脉盛者陰氣關於下陽脉盛者陽氣格於上然而未至於死陰陽俱盛則既關且格格則吐而食不下關則二陰閉不得大小便而死矣若藏府氣和而相榮陰不覆陽不溢又何關格之有

治法

治關格必用吐法以提其氣

丹溪云關格必用吐提其氣之橫格不必在出痰也

有痰宜吐者 **陳湯** 吐之吐中便有降

有中虛氣不運者補氣藥中升降

一婦人忽吐逆大小便不通煩亂四肢漸令無脉凡一日與 **大承**

氣湯 一劑至夜半大便通脉漸安復次日愈此關格之病極難治

今見愈者惟此一人耳

一婦人心脾痛後大小便不通皆是痰壅中焦氣滯於下焦 **陳**

湯 加木通初吃後煎滓探吐

藥方

方局

六君子湯

加升麻枳實瓜蒌仁煎服

氣虛脾胃弱而得關格之

證宜服

丹二陳木通湯

治關格飲食不下二便不通

陳皮一錢

半夏八分

茯苓八分

甘草四分

木通

滑石各一錢

人參蘆錢半

右咀水二盞姜三片棗一枚煎八分食遠服再煎探吐

古今醫統大全卷之六十九

秘結候

病機敘論

內經曰北方黑色通入於腎開竅於二陰藏精於腎○腎主五液故腎實則津液足而大便潤腎虛則津液竭而大便燥腎患燥急食辛以潤之以苦泄之

秘結多由陰虛血少火盛水虧

凡人大便秘結皆由房勞過度飲食失節或恣飲酒漿過食辛熱飲食之火起於脾胃淫慾之火起於命門以致陰虛血耗火盛水虧津液不生故傳道失常漸成燥結之證有年高血少津液枯涸

或因有所脫血津液暴竭新產之婦氣血虛耗以致腸胃枯澀體
虛之人攝養乖方三焦氣澁運掉不行而腸胃壅滯遂成秘結諸
若此惟當養血滋陰滑澁潤燥不可妄用通利之藥恐傷元氣耗
散真液秘結愈甚也

秘結日深漸成噎噎

七衝門唇為飛門齒為戶門會厭為吸門胃為賁門大倉下口則
為幽門大腸小腸會為闢門下極為魄門此為七衝門也蓋陰不
可以無陽水不可以無火水火既濟上下相交榮衛流行自然潤
澤若而幽門不通則上衝吸門不開則噎塞故云燥秘不便氣不
得上下者治在幽門

秘結之證其名有五

有**風秘****氣秘****熱秘****寒秘****濕秘**風秘者風痰燥結不通也氣秘者氣
滯煩悶不通也熱秘者內府積熱消耗津液大便結燥不通也寒
秘者年高歲冷及疝癖冷氣結滯大便不利也濕秘者濕熱鬱結
津液不行而秘澁也所以病證不同難以一例而施治也

脈候

秘結脈多沉伏而結○陽結脈沉實而數○陰結脈伏而遲或結
老人虛人便結脈雀啄者不治

治法

治秘結要分西北東南之殊

在西北多為風燥所成以疎風潤燥為主搜風順氣丸是也在東南多為濕熱所致以開結清熱為要木香枳榔并是也大抵審其人之虛實察其脉之強弱參而治之固有不當

治秘結以潤燥通幽為本

凡病實熱初然秘結者脉實大而有力宜以塞因通用之法承氣

等湯通之可也其病之久者老人虛人及亡津液之後悉皆以潤

燥通幽之劑緩而圖之庶不有悞如潤腸丸通幽湯之屬是也

結燥之人不可發汗

血虛之人大便結燥脉大如葱管而身發熱切不可發汗汗之則

重亡津液結燥愈甚而致死者有之卒以巴豆牽牛峻劑攻下暫

得通快必然再結愈甚卒不能調則亦重竭津液之過也丹溪所

謂古方通大便皆用降氣品劑蓋肺氣不降則大腸難傳送用杏

仁枳殼沉香訶子是也又老人虛人風人津液少而秘者宜藥以

滑之用麻仁胡麻阿膠之屬是也如投以快藥利之津液走氣血

耗雖暫通而即秘矣更生他病何可勝言

治脾約證須清金氣以滋化源

活人書謂脾約證乃胃強脾弱約束津液不得四布但輸膀胱故

小便數而大便難用脾約丸以下脾之結燥使津流入胃腸潤結

化而愈丹溪曰既云脾約必陰血枯稿內火燔燥執傷元氣故肺

受火邪而津竭必竊母氣以自救夫金衰則上受木邪脾失轉輸

肺失傳化宜其大便秘而難小便數而無藏蓄也理宜滋養陰血使陽火不熾五行清化脾土旺健津液既潤大小腸何秘結之有東垣云汪夏大便澁者為血少血中伏火也參黃湯加生地黃當歸身桃仁泥麻仁之類是也

許學士治年老虛人便秘只用大麻仁蘊子仁各半研取汁服之更煮粥食之不必服藥而秘愈

食傷太陰腸滿食不化腹嚮然不能大便者以苦泄之

凡臟腑秘結有虛實治療當審之如實秘者能飲食小便赤澁以

搜風順氣丸 三黃通利散 天全通利散 三聖丸之類下之胃

虛而秘者不能飲食小便清利厚朴湯主之蓋實秘物也虛秘也

樂方

桃仁麻仁潤血燥杏仁郁李仁治氣燥皂角仁治風燥

清酒

東道滯通幽湯 治大便難幽門不通上衝吸門不開噎塞不便燥

結而秘氣不得下治在幽門以辛潤之

當歸 升麻 桃仁泥各一錢 生地黃

熟地黃各五分 紅花 炙甘草各一分

右咀水二盞煎八分去滓調檀榔末五分稍熟服

衛生潤腸湯 治大便結燥不通

生地黃 生甘草 大黃煨 熟地黃

當歸尾各五分

升麻

桃仁

麻子仁各一錢

紅花四分

右作一服水二盞煎一盞空心服

治血潤腸丸

治大便風秘血秘不通常常結燥

當歸

大黃煨各一兩

防風

羌活各半兩

麻仁二兩半

皂角仁燒灰存性去皮研一兩其性得濕則潤去濕則燥枯用者勿悞

桃仁二兩

右陰桃仁麻仁另研如泥外為細末煉蜜為丸

梧桐子大每服五十九三兩服後大便不能燥結也

楊氏滋腸五仁丸

桃仁

杏仁各炒去皮尖一兩

松子仁一錢二分

栝子仁半兩

郁李仁炒一錢

陳皮四兩烏末

右五仁研勻為膏入陳皮和勻

煉蜜丸梧桐子大每服五十九空心米飲下

指潤腸丸 治大便秘澁不通

杏仁炒去皮火

枳殼炒

麻仁另研

陳皮各半兩

阿膠炒

防風各二錢

右為末煉蜜丸梧桐子大每服五十九空心蘓子荆芥湯下

膠蜜湯 治老人虛人大便秘澁

連根葱白寸三

新水煎去葱入阿膠二錢蜜二是溶化食遠服

楊氏潤腸丸 治大便秘澁旬日不通

梔仁炒去皮火

荆芥穗各一兩

火麻仁各半細研水浸取濃汁

芝麻半盞畧炒研水浸取濃汁

右入鹽少許同荆芥穗煎食遠每服一盞代茶飲之以利為度
加味四物湯 治大藏結燥而秘澁

當歸

熟地黃

川芎

赤芍藥

大黃煨

枳仁研各一錢

水二盞煎八分食遠服

生齊蘧子麻仁粥 能順氣活大便

紫蘧子

麻子仁各不拘多少

研爛水浸瀘取汁煮粥食之

良三仁丸 治大腸有執津液竭燥大便秘澁

栢子仁

松子仁

火麻仁各一兩

右研令勻用黃蠟半兩溶化丸梧桐子大每服二十九食前
米飲下未快加上丸數服之

積熱秘結諸劑

局三黃丸 治積熱閉結不通 方見熱門

千金丸 治藏府壅滯氣結積熱不通或內有癥瘕疝蛔心腹俱

痛及脚氣腫滿休息熱痢并風痰瘡疥結核等疾

大黃十兩

木香半兩

右為末醋糊丸梧桐子大每服二十九食遠白湯送下

倒換散 無問新久瘧閉不通小腹急痛肛門腫脹

大黃大便不通用一兩 小便不通用半兩

荆芥大便不通用半兩 小便不通用一兩

右為細末每服二錢食遠白湯調服

生齊檳榔丸 治大腸積熱氣壅不通心腹滿大便秘結

大黃蒸

黃芩

枳實麸炒

火麻仁炒去壳

牽牛炒

檳榔

羌活

杏仁炒去皮

白芷各一兩

人參半兩

右為細末煉蜜丸小豆大每服五十九空心白湯下

拔萃牛黃散 治三焦積熱藏腑秘結

白牽牛取頭末

大黃一兩

右為末每服三錢厥冷溫酒調服手足煩者蜜水調服

中惠大黃飲子 治身執煩躁大便不通

大黃煨三錢

杏仁炒去皮

枳殼

梔子仁各錢

川升麻一錢

生地黄酒洗

人參七分

黃芩八分

甘草炙五分

右水二盞姜五片豆豉二十一粒烏梅一箇煎一盞不拘時服

和脾約丸 治腸胃燥熱大便秘結

麻仁力研

大黃一斤

厚朴姜汁

枳實麸炒

芍藥各八兩

杏仁去皮

右為末煉蜜丸梧桐子大每服二十九臨卧白湯下便利止服

論脾約丸成無也曰約者結約也又約束也胃強脾弱約束津液

不得四布但輸膀胱故小便數而大便鞭故曰脾約此丸以下脾

之結燥腸潤結化津液入胃大便利小便少而愈矣愚切有疑何

者既曰約脾弱不能運也脾弱則土虧是必脾氣之散脾之耗原

其所由久病大下大汗之後陰血枯槁內火燔灼熱傷元氣又傷於脾而成此證傷元氣者肺金受火氣無所攝傷脾者肺為脾之子肺耗則津竭必竊母氣以自救金耗則木寡於畏土欲不傷不可得也脾失轉輸之令肺失傳受之自宜大便秘而下難小便數而無藏蓄也理宜滋養陰血使孤陽之火不熾而金行清化木邪自止脾土清健運行津液乃能入胃則腸潤而通矣今以大黃為君枳實厚朴為臣雖有芍藥之養血麻仁杏仁之溫為之使用之熱甚而氣熱者無有不安愚恐西方地氣高厚人稟旺實者可用若用之於東南之人與熱雖甚而血氣不實者須得暫通將見脾愈弱而燥矣後之用此方者須知在西北以開結為主在東南以

潤燥為主慎勿膠柱而調瑟漢古云藏府秘結有虛有實實實而秘者能飲食而小便赤當以麻仁丸七宣丸之類主之

消毒麻仁丸

芝麻四兩研取汁 杏仁二兩去皮尖研如泥 大黃五兩 山梔十兩
右為末煉蜜入麻汁和丸梧桐子大每服五十丸食前白湯下

氣閉不通諸藥

和劑三和散 治七情氣結脾胃不和心腹否滿大便秘澀

羌活 紫蘇葉 宣木瓜 大腹皮

沉香各一錢 檳榔 木香 陳皮

白朮 川芎 炙甘草各七錢半

右咀分二服每服水一盞煎六分不拘時服

生濟橘杏丸 治老人氣閉大腑不通

橘紅取末

杏仁去皮尖 各等分

右為末煉蜜丸梧桐子大每服五十九食遠米飲下

娘六磨湯 治氣滯腹悶大便秘澀

沉香

木香

檳榔

烏藥

枳殼

大黃各等分

右用白湯俱磨濃汁空心溫服

枳殼丸 治二焦否塞氣不升降大便閉小便澀

枳殼炒

皂角炙去 皮弦

大黃

羌活

木香

陳皮

桑白皮

白芷各等分

右為末煉蜜丸梧桐子大每服七十九空心米飲送下

小通氣散 治虛悲傷之甚致令秘澀或服燥藥太過

陳皮去白

嫩紫蘓

枳殼

木通各等分

右咀每服八錢水二盞煎八分食遠溫服

木香逐氣丸 治食積氣滯大便閉兼治脚氣小腸氣攻刺痛

陳皮

青皮

檳榔各半

木香二錢

巴豆霜錢半 右為末姜汁調神麩糊為丸梧桐子大每服十

丸食遠姜湯送下氣攻腹痛枳殼木瓜湯下

直寬快湯 治氣不下降大便閉澀

香附子製二兩

天台烏藥

枳殼製各半兩

砂仁炒六錢

蘇子炒半兩

青木香三錢

甘草炙七錢半

右為細末每服二錢陳皮煎湯調下

降氣湯 治氣不降大便不通加**枳殼****杏仁**煎服方見脚氣門

桔梗枳殼湯 治氣不下降而閉加**枳殼**煎服方見氣門

河枳殼丸 治三焦結約大小便不通枳殼氣不得下行

枳殼二兩 陳皮一兩 檳榔半兩 木香二錢半

黑牽牛四兩半生半炒取頭末一兩半

右為細末煉蜜為丸梧桐子大每服十五丸姜湯下

宣道氣枳殼丸 治氣結不散心胃不滿逆氣上攻大便秘澀

枳殼

木通

青皮

陳皮

桑白皮炒

蘿蔔子微炒

白丑炒

黑丑炒

茴香炒

莪木炮

京三稜炒各等分

右為末生姜汁打糊為丸梧桐子大每服二十丸煎陳皮湯下

老人風秘諸劑

和搜風順氣丸 治風氣脚氣老人小兒虛弱人大便閉結宜服

車前子兩半

白檳榔

火麻仁微炒去壳

郁李仁泡去皮研

鬼絲子酒浸焙乾

牛膝酒浸

乾山藥各一兩

枳殼炒

防風

獨活各八錢

大黃半生半熟半兩

右為末煉蜜丸小豆大每服五十九丸茶酒湯任下早晚各一服

疎風散 治風毒秘結大便不通

防風

枳殼

羌活

獨活

蘓子仁炒另研

杏仁炒去皮

甘草炙

威靈仙

檳榔

白芷

白茯苓炒各八分

右咀水二盞姜五片蜜一匙煎八分空心服

皂角丸 治大腸有風大便閉結

皂角炙去皮弦子

枳殼楚炒等分

右為末煉蜜丸或飯飲丸小豆大每服七十九空心米飲下

七宣丸 治風氣結聚宿食不消兼沙石皮毛在腹及積年腰脚

疼痛冷如冰石脚氣衝心煩憤悶亂頭旋運倒肩背重痛心腹

脹滿胃膈否塞風毒腫氣連及頭面大便秘澁小便時數脾胃

氣壅不能飲食脚轉筋掣痛羸急心神恍惚卧不安

柴胡

枳實

木香

訶子肉各五兩

桃仁炒去皮尖六兩

炙甘草四兩

大黃蒸十兩

右為末煉蜜丸梧桐子大每服二十丸食遠米飲下漸加至四

五十丸以利為度覺病勢退愈止服

七聖丸 治風氣壅盛痰熱結博頭目昏重心煩面赤涕唾稠粘

咽乾口燥精神不爽夜卧不安肩背拘急胃膈脹滿腹脇否悶

腰膝沉重大便閉結小便赤澁

木香

檳榔

川芎

肉桂

羌活各半

郁李仁泡去皮

大黃半生半熟各一兩

右末煉蜜丸小豆大每服十五丸至二十丸食後臨卧白湯下

和半硫丸 治年高人風冷虛秘及痲痺冷氣

半夏製

生硫黃細研

右等分姜汁打糊為丸小豆大每服五十丸空心溫酒下

威靈仙丸 治老人腸胃虛弱風冷氣閉

威靈仙

黃芩蜜炙各一兩

枳實麩炒半兩

右為末煉蜜丸梧桐子每服七十丸空心米飲下

大黃芍藥湯

治大人小兒風與血滯留黃上焦胃膈高起大便不通

藏府積滯秘結諸劑

大黃

芍藥

枳殼

桔梗各一錢

木香

甘草炙各五分

水二盞姜三片煎八分食遠服

丁香脾積丸

治積閉

感應丸

治積滯閉結方並見積聚門

莪朮脾積丸

治飲食停滯腹脹痛悶嘔惡吞酸大便秘結

莪朮二兩

三稜二兩

良姜

半兩已上用米醋一斤於磁瓶內煮乾乘熱切碎焙

青皮一兩

木香各半兩

皂角

不蛀者三大條燒存性

百草霜

御村鍋底者為佳三匙

為細末巴豆半兩去殼研如泥漸入藥末

研和得所麩糊丸麻子大每服五丸加至十丸陳皮湯下

二香丸

治積滯氣閉心腹刺痛中滿壅逆

木香

丁香

青皮

橘紅

草菓仁

肉豆蔻 生用

白豆蔻

五靈脂 各半

莪朮 炮

砂仁 各七錢半

右為細末加巴豆肉半兩研如泥漸入藥末研勻和稀麩糊丸如麻子大每服五丸加至七八丸姜湯下

山瑞木香三稜丸 治腹中有蟲面色黃瘦一切積滯閉結

黑牽牛 半生半炒四兩

大腹子 四兩

檳榔

雷丸

木香

錫灰

三稜

大黃 蒸

莪朮 炮各二兩

右為細末每服三錢空心蜜湯調下或沙糖水亦可先將燒肉一片口中嚼之良久吐出肉後服藥

亦可先將燒肉一片口中嚼之良久吐出肉後服藥

林厚朴湯 治不能飲食胃虛而秘者厚朴湯主之凡虛秘者小便

清利實秘者能飲食小便赤澁不可不辨

厚朴 姜製二錢六分

白朮 四錢

半夏 麩一分

枳殼 錢半

陳皮 二錢

炙甘草 二錢

右咀分二服每服水二盞姜三

片煎八分食遠服稍實服之不通加 **六寶** 一錢

東垣麻黃白朮湯

治大便不通五日一次小便黃赤遍身腫滿上及腹尤甚其色

黃麻木身重如山沉困無力四肢痿弱不能舉動喘促不安

青皮

黃連 酒炒各二兩

黃蓍

人參

桂皮

白朮

黃檗 酒炒

紫胡

蒼木

猪苓 各四分

厚朴 姜製

陳皮 去白

甘草 半生半炙

升麻 各三分

吳茱萸

白茯苓

澤瀉 各五分

白豆蔻

神麴 炒各六分

麻黃 一錢

杏仁 四粒

右咀分二服每服水一盞先煎麻黃令沸掠去沫入諸藥同煎至一盞食遠稍熱服

東垣升陽瀉熱湯 治噤噎不通逆氣裏急大便不行

青皮 槐子 各二分 生地黄 熟地黄

黃檗 各三分

當歸身

甘草稍 四分

蒼木 五分

升麻 七分

黃耆 一錢

枳仁 二十粒去皮

右咀水二盞入枳仁泥煎一盞食前熱服

東垣枳實導滯丸 治傷熱物大便不行氣滯胃腹作痛 方見內傷門

植掩臍法 治大小便不通用連根葱一枝帶土不洗以生姜一塊

淡豆豉二十粒入鹽一匙同研極細搜作餅烘熱掩臍中以帛縛定良久氣自通

又法 治秘結極困昏不知人用 **生天田螺** 一二枚以鹽一匕連殼生搥碎置患人臍下一寸三分用帛緊縛之違時便通

景仲蜜導煎法 凡秘結虛羸之人服藥不得通利者宜用此法以導

之用蜜四兩銅器中微火熬之滴水成珠以手捻作棗子樣約

大姆指許二寸長候稍熟內穀道以手急抱欲大便可去之

海藏霹靂煎 蜜導用鹽合入亦可皂角末或皂烏末皆可搥則更堅

藏

三

二

一

潤燥皂角消結皂烏化寒可隨證宜用一法以猪膽汁灌入可

聖提盆散 治大便結燥服藥久不通

食鹽 三錢 竈突煤 一錢

右研末每用一錢竹筒吹入肛門寸深許之効

本宣積掌握丸 治大便不通握藥在手便通

巴豆 乾姜 芫子 良姜

硫黃 甘遂 白栴榔 各等分

右為末飯丸彈子大早朝椒湯洗手麻油塗掌心握藥一丸少時便瀉欲止即以涼水洗手

方

經驗方 治大小便俱不通用 研末令患人仰卧置糞末

於臍中滿以新汲水滴之候患人冷透腹內即自然通行如曾

灸臍孔者即於灸撥上用麪作圈一指高置糞於中依法滴水

外臺秘要方 治下部秘澁不通用 一把搥爛入水和絞

去查強者服一升數用並治脚氣

簡要濟眾方 治卒然關格大小便不通肢滿欲死用 二升

水四升煮取一升頓服內服猪脂如彈子一丸尤佳

又方 治大便不通用 半生半炒搥末每服二錢姜湯調下

未通再服以熱茶調下

聖惠方 治大便不通用 一兩咀水一盞煎六分空心服

肘後方 治大便秘結用（原）和米煮粥食之滑腸自通妙

治案

一婦人身瘦大便燥結不通飲食少進小腹作痛六脉沉伏而結
澁作血虛治用（四物湯）加桃仁麻黃煨大黃等藥數服不通反
增飽悶與（補腎丸）下咽便吐出蓋胃氣弱而不能
納性速之藥耳遂以（黃蠟包）外以黃蠟包之又以細針穿
一孔令服三丸以蠟置者製其不犯胃氣故得出幽門達大腸
取効也越二時下燥糞一升許繼以四物湯加減及潤腸丸間
服調理月餘大便如常

一小兒因出痘自始出至豆愈二十五日不通大便肛門連大腸

痛楚號叫日甚用蜜道法及服大小承氣湯道滯備急等丸皆
不効計無所施後惟以（香油）令人含口中用竹管灌入肛門內
約半盃許病者自覺油上行如蠕然須臾下燥糞一二升立安

運氣便秘有三

一曰熱經云熱至則淋閉又云少陰之復高腸不便是也二曰寒
經云太陽所致為禁止是也三曰濕經云太陰司天濕淫所勝
病大便難是也

鍼灸法

照海灸三壯 章門灸七壯 太白灸三壯 氣海刺 三里刺

古今醫統大全卷之七十

瓜夢遺精滑

病機敘論

內經曰精者身之本生氣之源髓之化也○又曰陰平陽秘精神
 乃治陰陽離決精神乃竭○又曰腎主受五臟六腑之精而藏之
 陰陽之要會也是精之藏制則在腎精之主宰又在於心○又曰
 上古之人其知道者法於陰陽和於術數飲食有節起居有常不
 妄作勞故能形與神俱而盡終其天年恬澹虛無真氣從之精神
 內守病安從來

遺精夢泄雖究心腎二經

五臟六腑皆有精氣而腎為都會關司之所而輸泄者又聽命於心焉心為君火腎為相火而相火奉行君火之命令故其病雖在腎而其責本在心心主乎神神有所動則精泄

遺精病機有五

一曰夢交而遺精者乃心火熾而心神虛也二曰下元虛敗精不聚而遺者乃腎虛精滑故也三曰壯年氣盛久節房慾經絡壅滯而遺者乃曠夫滿而溢也四曰情動於中所願不得而遺者乃為情不遂欲而泄也五曰濕熱鬱滯而夢遺者如綱自用猪苓丸青州白丸子之屬是也夫壯年氣盛情欲動中只舒其情自愈雖不藥餌可也至若夢中交泄則當治其心腎虛精滑則當補其腎此

謂知本此謂治之至也

夢遺精滑專主乎熱

小學云夢遺精滑濕熱之乘熱則流通因熱傷氣血不能固守也戴氏云昏相火所動久則虛而亦無寒也

脉候

金匱要略云虛勞為病脉浮大手足煩陰寒精自出又云脉絃而大名曰華男子則遺精女人則失血兩尺脉洪數主失精便濁○心脉短小因心虛所致必夢遺

治法

治遺精必先清熱養心

丹溪云夢遺精滑專主乎熱熱則流通宜滋陰降火勞神思者安
神養心久而虛脫者須兼補藥及收澁之藥無不愈

夢遺病有鬱滯壯實者宜疎瀉之

綱目云一壯年夢遺白濁與瀆精藥益甚知其鬱滯改用導赤散
大劑服之遺濁皆止又一中年夢遺與澁藥弗効改與神芩丸下
之下後與豬苓丸遂愈丹溪治一人精消便濁與藥不効後行倒
倉法而安此皆有餘鬱滯之證也

夢遺自遺治法不同

夢遺因心經有火神思不寧所以夢與人交而泄精治當

神芩

加黃連生地人參遠志茯苓神酸棗仁羚羊角之類

自遺乃氣血虛而下脫有因熱而流通當分虛實須得

龍骨牡蠣樗樹根皮之類

有小便後精出不可禁者或不小便而自出或茎中出而痒痛常

如欲小便者並宜先服辰砂炒香散或成毒石或分消散別以綿

裹龍骨同煎加五倍子牡蠣白茯苓五味子之屬煎服

法藥兼治醫効通神

有神氣消磨恠異橫生風邪乘其虛鬼氣干其正往往與妖魅交
通是有厄運之不可曉者也法藥兼治誠有是言

藥方

夢遺精滑諸劑

林金鎖匙丹 治男婦精滑遺泄不禁夢與鬼交

茯苓

茯苓神各二錢

遠志

龍骨煨各三錢

左股牡蠣四錢煨

右為末酒糊丸梧桐子大每服四十丸空心鹽湯或酒下

指有茯苓丸 治心虛夢泄

白茯苓去皮

為末山藥作糊為丸每服空心米湯或酒送下

四錢臨卧又服或只為末散熟水調下四錢亦可

和茯苓丸 治思慮太過心腎虛損真陽不固夢遺精滑小便白濁

兔絲子餅五兩

白茯苓三兩

石蓮子二兩

右為末酒糊丸梧桐子大每服五十丸空心鹽湯下

直秘傳龍骨鎖精丹

白龍骨煨二兩半

牡蠣煨二兩

黃蘗六錢

知母

猪苓各半兩

遠志甘草煮半兩

人參一兩

右為末酒糊丸梧桐子大每服五十丸空心鹽湯或酒下

丹定志珍珠丸 治心虛夢泄

人參

白茯苓

海蛤粉

黃蘗炒焦色各三兩

樗根皮二兩

遠志

石菖蒲

青黛各兩半

右為末麩糊丸青黛為衣梧桐子大每服五十丸空心鹽湯下

河秘真丸 治思想無窮所願不遂意淫於外入房太甚夢與鬼交

精泄流濁並治

白龍膏一兩

訶子五枚

砂仁半兩

朱砂一兩
另研一分為末

右為末糊丸菜豆大每服十丸空心溫酒下多服大秘

良固真散 治纒睡便遺此藥大能流精固真氣煖下元

白龍膏一兩

韭子一合

為末每服二錢空心酒調服

牡蠣散 治虛勞夢泄盜汗乏力

牡蠣煨二兩

蒼朮炒

龍骨各三兩

桑螵蛸微炒

白芍藥

棘刺微炒

桂心

栢子仁

車前子

甘草炙各一兩

為末每服二錢食前粥飲調服

桑螵蛸散 治虛勞夢泄

桑螵蛸一兩
微炒

韭子二兩
微炒

為末每服二錢空心溫酒調下

珍珠丸 治虛勞夢泄鎮精

珍珠

六兩以牡蠣六兩用水同煮一日去牡蠣取珍珠為末

右為細末入水於乳鉢內研三五日後寬着水飛過候乾用

蒸餅和丸梧桐子大每服二十丸食前溫酒下

玉鎖丹 治夢遺并白濁

敗乾荷葉二兩

白茯苓

牡蠣左烏煨各一兩

龍膏五色者另研三錢

右為細末研勻白蠟溶和丸梧桐子大無白蠟以蠟糊代之每

服五十丸空心麥門冬湯下日進二服如覺陽道衰小便清夢

更止即住服忌酒熱麪如欲陽道旺即以麝香酒解之

紫石英丸 治虛勞夢與鬼交心氣虛弱

紫石英細研水飛

朱砂細研水飛

人參

栢子仁

龍骨各二兩

朱砂細研水飛

肉蓯蓉

酒浸一宿刮去皮炙乾各一兩

麝香半兩另研

右為細末別研藥令勻煉蜜共和搗三百杵丸

如梧桐子大每服二十九食前溫酒送下

丹樗樹根丸 治夢遺精滑

樗根皮一兩半

良薑三錢

黃檗

芍藥燒灰存性各二錢

右為末神麩糊丸梧桐子大每服三十九空心茶清送下

小兒絲子丸 治腎氣虛損目眩耳鳴四肢倦怠夜夢遺精

兔絲子製

石蓮肉二兩

白茯苓二兩

山藥二兩分一半作糊丸

右為末山藥糊丸梧桐子大每服五十九空心溫酒鹽湯任下

如是膝無力木瓜湯下

經 豬肚丸 止夢遺泄精進飲食健肢體甚有效

白朮麩炒五兩

苦參白者三兩

牡蠣左扇者另煨研四兩

右為末用雄豬肚一具洗淨盛確內煮極爛石臼或木臼內搗

成泥和藥再加肚汁搗半日丸如小豆大每服四十九日進三

次米湯送下久服自覺身肥而夢遺永止

五味膏 治夢遺極效

北五味子

一斤淨洗水浸一宿去核再用溫水將核洗取餘味通置砂鍋內以布濾過入好蜜三斤慢火熬成膏待

數日後去火性每服一二匙空心白湯調服火候難於適中先將砂鍋稱定然後稱膏汁大約煮至二斤四兩成膏為度

綱 豬苓丸 治濕鬱執滯夢遺精滑

三十一 醫經 卷之十一

半夏 一兩

木猪苓末 四兩

右將半夏泡豆大先將猪苓末一半炒半夏色黃不令焦地上去火毒半日將半夏為末糊為丸梧桐子大候乾更用前猪苓末一半微炒同入砂礮貯之空心温酒下四十九日晡再服

萬玄真人百補交精丸

治夢泄精滑不禁

熟地黄 酒浸一宿竹刀切焙乾四兩

山藥 二兩

五味子 六兩

杜仲 製

肉蓯蓉 酒洗焙

茯神

遠志 各二兩

牛膝 酒浸一宿焙

澤瀉

山茱萸肉

巴戟 去心

石膏 煨

赤石脂

栢子仁 微炒另研各一兩

右為細末煉蜜丸梧桐子大每服二十九空心酒下男女可服

心勞神虛夢洩諸方

集驗栢子養心丸 治心勞太過神不守舍合眼則夢遺洩不常

栢子仁 鮮白不油熾者以紙已搥去油

白茯苓

酸棗仁 各二兩

五味子 半兩

當歸身

生地黄 各二兩

甘草

辰砂 細研

犀角 鎊各半兩

右為末煉蜜丸如芡實子大金箔為衣午後臨卧津嚼一九

和王荆公妙香散 安神秘精定心氣

白茯苓

白茯苓 各二兩

人參

遠志 各一兩

益智仁

龍骨 五色者各九錢

甘草

辰砂 另研飛各半兩

右為細末每服一錢空心臨卧温酒調下

道藏天王補心丹 方見虛損門

驗集養心湯 方見不寐門 二方並治神虛夢洩此為固本

栢子仁丸 治虛勞夢洩

栢子仁 炒各一兩 新韭子 三兩十月霜後收者極妙酒浸晒乾微炒

地膚子 兩半 右為細末煮棗肉和搗百餘杵丸梧桐子大每

服三十九空心及晚食前以粥飲下

腎虛精滑諸劑

錄水陸二仙丹 治精脫腎虛夢遺白濁等證

金櫻膏 一斤製法見備錄 芡實粉 一斤

二味和勻得所為丸梧桐子大每服七十九空心姜鹽湯下

丹溪九龍丸 治腎虛精滑

栢杞子 金櫻子 山茱萸肉 蓮肉

佛座鬚 熟地黃 芡實子 白茯苓

當歸 各等分 為末酒糊丸梧桐子大每服五十九酒或鹽湯下

鎖精丸 治精滑不禁

川續斷 川獨活 白茯苓 石蓮子

乾菱米 金櫻子 穀精草 川練子 酥炙

蓮花藍 小茴香 乾藕節 芡實子

木猪苓 錦龍骨 各等分 右為細末用雞子清為丸如梧

桐子大每服四十九空心鹽湯下食乾物壓之

古今醫統遺精 卷之十一
枸杞子丸 治腎虛精滑補精氣

甘州枸杞子

黃精九蒸九晒 各等分

二味相和搗作餅子焙乾為

末煉蜜為丸梧桐子大每服五十九空心溫酒送下

良方子午丸

治心腎俱虛夢寐驚悸体常自汗面黃肌瘦頭暈耳鳴

夢遺精滑赤白濁下皆治方見濁門

直指固精丸

治心神不安腎虛精滑

黃蘗酒炒

知母酒炒各一兩

牡蠣煨

龍骨煨

蓮花蕊

芡實子

茯苓

遠志

山茱萸肉各三錢

右為末山藥糊為丸梧桐子大朱砂為衣空心酒下五十九

濟生

芡實丸

治思慮傷心疲勞傷腎心腎不交精元不固面少顏色

驚悸健忘遺精白濁足脛痠疼耳聾目暗口乾脚弱

芡實子

蓮花蕊各二兩

茯苓

山茱萸肉

龍骨生

五味子

熟地黃

肉苁蓉酒浸

韭子炒

紫石英煨七次

川牛膝酒浸

枸杞子各一兩

右為末酒煮山藥糊丸小豆大每服七十九空心鹽湯酒任下

仙方固真丹 專治精泄不禁

禹餘糧

石中黃

赤石脂

紫石英

石燕已上並以炭火煨紅醋三升淬乾為細末

人參各一兩

白茯苓四兩

青鹽一兩

右為細末再研勻用無灰酒煮糊為丸芡實大

朱砂為衣每服二三丸空心臨卧温酒或盐湯送下

玉露丸 助元陽秘氣補腦固真不泄與金鎖丹相兼服

緊白龍膏

兔絲子

酒浸焙乾另研

韭子

新衣上微炒各三兩

右為細末煉蜜丸梧桐子大空心温酒或盐湯下初服忌房事

金鎖丹

肉苁蓉

五兩切作片酒浸研為膏

黑附子

炮去皮臍

巴戟

去心各二兩

破故紙

微炒四兩

胡桃仁

三十箇

和勻再入臼內杵七八百下丸梧桐子大每服十丸温酒送下

鎖陽丹 治遺精

桑螵蛸

三兩瓦焙

龍骨

一兩另研

白茯苓

一兩

右為末糯米糊丸梧桐子大每服七十丸空心茯苓湯下

氣虛精滑劑

良固氣丸 治精滑自下

天雄

兔絲子

五味子

龍骨

各兩半

桑螵蛸

山茱萸肉

乾姜

巴戟

各一兩

韭子

右為末煉蜜丸梧桐子大空心酒下三十丸

三仙丸 治夢遺精滑

益智仁

二兩用鹽二兩同炒去鹽

烏藥

兩半炒

山藥

一兩炒

右為末山藥煮糊丸梧桐子大每服七十丸空心茯苓湯送下

御藥 玉鎖丹 治精氣虛滑遺洩不禁

龍骨

蓮花蕊

雞頭子

烏梅肉

各等分

右為末用熟山藥去皮為膏和丸小豆大空心米湯下三十九
秘精丸 治元氣不固遺精夢洩

大附子製

龍骨煨

肉從蓉

酒浸一宿

牛膝

酒浸

巴戟去心各一兩

右為末煉蜜丸梧桐子大每服三十九空心鹽酒或鹽湯任下

直鹿角散 治臟腑久虛夢洩

鹿角霜

鹿茸

去毛酥炙各三兩

白茯苓

三分

人參

白茯苓

桑螵蛸

焙

芎藭

當歸

破故紙炒

龍骨

另研

新韭子

酒浸一宿焙乾各半兩

栝子仁

炙甘草

各一分

右為末每服三錢半姜五片棗三枚粳米百粒食前煎服

正經驗秘真丹 治腎虛遺精夢洩白濁等證

兔絲子

韭子

栝子仁

各一兩

龍骨

牡蠣

山茱萸肉

赤石脂

各半兩

破故紙

一兩

遠志

巴戟肉

覆盆子

枸杞子

黃檗

鹽酒炒黑色

山藥

各七錢半

芡實子

杜仲

姜汁炒去絲各一兩

金櫻子

取黃者去刺核淨以肉焙燥二兩

乾薑

炒黑一兩

鹿角膠

半兩炒成珠

右為細末煉蜜丸梧桐子大每服一百丸空心姜鹽湯任下

博金散 治氣虛精脫自遺

人參 一兩

白茯苓

絡石 各二兩

龍骨 三兩

右為末每服二錢空心米飲調服臨卧再服

威喜丸 治精氣不固夢遺精滑白濁

白茯苓

去皮切作塊用猪苓一分同於砂鍋內煮二三十沸取出日乾而內不用猪苓 黃蠟 四兩

右以茯苓為末溶蠟搜和丸如彈子大每服一丸空心細嚼隨

津噉下小便清為度忌食醋

丹 珍珠粉丸

治精滑白濁

黃蘗

真蛤粉 各一斤

珍珠 二兩

檮根白皮 一斤

右為末滴水丸梧桐子大每服一百丸空心温酒下

經 金櫻丸

治夢遺精滑小便後遺溺

金櫻子

芡實子 各一兩

白蓮花蕊

龍骨 各半兩

右為末糊丸梧桐子大每服八十九丸空心盐酒下

虛寒精脫

良方內固丸

滋精健陽

天雄

龍骨

鹿茸

牡蠣

韭子 各半兩

右為細末酒煮麩糊為丸梧桐子大每服三十九丸空心温酒下

三益智湯 治腎經虛寒遺精白濁四肢倦怠時發蒸熱

益智仁

巴戟肉

肉苁蓉

鹿茸 去毛酥炙

熟地黄 酒浸

附子 製

桂心

山茱萸肉

白芍藥

防風

枸杞子

牛膝酒浸

甘草各一錢

右水二盞姜三片鹽一捻煎一盞空心服

三因安中散 治三焦虛寒短氣煩悶精滑便濁

熟地黃

巴戟肉

龍骨各二兩半

遠志炒

茯苓各三兩

蛇床子炒兩半

天雄製

五味子

山藥各二兩半

肉苁蓉酒浸

續斷

兔絲子製各四兩

右為細末每服二錢溫酒送下

濟生固精丸 治嗜慾太過勞傷腎經精元不固遺精白濁

肉苁蓉酒浸

陽起石煨細研飛

鹿茸去毛酥炙

韭子炒

鹿角霜

赤石脂煨

巴戟肉

白茯苓

附子製

龍骨生各等分

右為末酒糊為丸梧桐子大每服七十九空心酒鹽湯任下

簡易心腎丸 治水火不既濟心下怔忡夜出盜汗夢遺便赤

牛膝酒浸

熟地黃

肉苁蓉二兩酒浸去皮

兔絲子酒浸三兩

鹿茸去毛酥炙

附子製

人參

黃耆蜜炙

五味子

茯苓

山藥炒

當歸酒浸

龍骨煨

遠志甘草水煮去心姜汁炒各一兩

右為末酒煮糊為丸梧桐子大每服七十九空心棗湯下

醫蠲蛭丸 治下焦虛冷精滑不固遺溺不斷

桑螵蛸七箇炒

附子炮去皮臍

五味子

龍骨各半兩

右為細末糯米糊為丸梧桐子大每服五十九空心鹽酒下

椒腎丸 治虛勞內傷腎氣衰冷精氣滑泄

漢椒 去目并合口者微炒出汗

鹿茸 去毛酥炙

芡實子 生用

龍骨 各二兩

肉桂

桑螵蛸 微炒

白礬 煨

乾薑 炮

白朮 各兩半

破故紙 微炒一兩

右為末入鹽花二兩研勻用獾猪腎十枚切去脂膜研爛以酒三升漸入熬成膏次入藥末和搗二三百杵丸如梧桐子大每服三十九食前溫酒送下

韭子丸 治虛勞寒脫漏精

韭子 炒

車前子

兔絲子 酒煮另搗

天雄 製

龍骨 各一兩

鹿茸 去毛酥炙

桑螵蛸 炒

乾薑 炮子三分

右為細末煉蜜和丸梧桐子大每服二十九空心黃耆湯下

萬秘傳金鎖思仙丹 治男子嗜慾太過精氣不固澁以去脫之劑

蓮花蕊 十兩

石蓮子 十兩

芡實子 十兩

金櫻子 三斤製見備錄

右以金櫻煎成膏如餠入前三味藥末和丸梧桐子大空心鹽酒下三十九服久精神完固能成地仙平時忌葵菜車前子

簡諸方

衛生方 治泄精用末連晚蚕蛾乾之為末空心溫酒調服三錢

又方 治失精久虛漏泄用蓮子心一撮辰砂一分為末每服二

錢空心白湯調下

又方 治元氣虛寒精滑不禁大便瀉手足冷陽起石煨鍾乳粉

各一兩為末酒煮附子末糊丸梧桐子大空心米飲下五十九

又方 用白朮搗汁二合服之甚效

又方 用藥粉一塊拇指大臨臥放口內細嚼含之睡至三更燕

下服三五次有效

太平聖惠方 治虛勞腎損夢遺精用韭子二兩微炒為末食

前酒下二錢

陳藏器註云 取韭子生吞三十粒空心鹽湯下止夢遺白濁

外臺秘要 治夢遺以藥方一升炒為末酒調方寸七日再服

百一方 治男女喜夢與鬼交致恍惚者方鹿茸二指

酒調下日二服

秘方 治精滑夜夢以白朮焙乾為末空心米湯調下二錢

四服効有以蜜酒調久服黑髮固精極効

鍼灸法

命門 一穴在背脊中兩腎俞之間與臍 心俞 不安

腎俞中極 灸五壯 白環俞 灸五壯

導引法

一法半夜子時分陽正興時仰臥瞑目閉口舌頂上腭將腰拱起

左手用中指頂住尾閭穴 左督脉下行 右手用大指頂住無名

指根拳着又將兩腿俱伸兩脚十指俱握提起一口氣心中存

想脊背腦後上貫至頂門慢慢直下至丹田方將腰腿脚手從容放下再照前行陽則衰矣如陽未衰再行二三次如初行時陽未興勉強興之方可行夫人之所以有虛疾者因年少慾心太盛房事過多水火不能相濟以致此疾能行此法不惟速去洩精之病久而腎氣上升心火下降則水火既濟永無疾病矣一法法遺精不禁以床鋪安短窄卧如弓灣二膝并臍縮或左或右側卧用手扎陰囊一手伏丹田切須寧心淨卧戒除房室思欲之事固精不洩可保身矣

一法側身曲卧成夾之間一手托外腎一手搓臍下八十一次然後換手每手各九次總搓九日見効八十一日成功

釋夢門

病機

諸夢敘論

靈樞淫邪發夢篇帝曰願聞淫邪淫行奈何岐伯曰正邪從外襲內而未有定舍反淫於藏不得定處與榮衛俱行而與魂魄飛揚使人卧不得安而喜夢氣淫於府則有餘於外不足於內氣淫於藏則有餘於內不足於外帝曰有餘不足有形乎岐伯曰陰氣盛則夢涉大水而恐懼陽氣盛則夢大火而燔灼陰陽俱病則夢相殺上盛則夢飛下虛則夢墜甚饑則夢取甚飽則夢與肝氣盛則夢怒肺氣盛則夢恐懼哭泣飛揚心氣盛則夢喜笑脾氣盛則夢

歌樂身體重不舉腎氣盛則夢腰脊兩解不屬凡此十二盛者至而寫之立已厥氣客於心則夢見丘山烟火客於肺則夢飛揚見金鐵之奇物客於肝則夢山林樹木客於脾則夢丘陵大澤壞室風雨客於腎則夢臨淵身居水中客於胃則夢飲食客於大腸則夢田野客於小腸則夢聚邑冲衢客於膽則夢鬪訟客於陰器則夢接內客於項則夢斬首客於脛則夢行走而不能前客於股肱則夢禮拜客於臍膈則夢溲便凡此數不足者至而補之立已也

養生主論

王隱君曰痰火客於心肺夜夢鬼交而洩或夢騰空而飛或夢行險而墜或夢兵刃追誅逃避無所誤入人家四壁無跡或夢門

重傷或夢悲啼忿怒或見枯骨烟焚焦氣撲鼻或夢騎馬郊行忽見天邊日月光耀遍身急急回顧元無所自在夢多端不可勝紀要皆痰火熾於心肺使之然也

周禮春官宗伯掌其歲時觀天地之會辨陰陽之氣以日月星辰占六夢吉凶一曰正夢二曰噩夢三曰思夢四曰噩夢五曰喜夢六曰懼夢夫人不知占釋之理憂思鬱結疑懼成疾者曷可勝言漢藝文志云占卜非一而夢為大故周有其官而詩載熊羆蛇虺蝨魚旒旒之夢者明大人之占以考吉凶以釋疑惑

虛實成夢

東萊類說云形接而為事神遇而為夢浮虛則夢飛沉實則夢溺

寢藉則夢馬寢蓆則夢蛇將陰則夢水將晴則夢火病則夢憂喜
則夢樂神虛則夢多神壯則夢稀有夢亦不記故云至人無夢愚
者少夢孫真人云欲無惡夢勿食本命所肖之物及龜鱉無鱗之
魚勿殺生命勿思淫邪悖逆之事睡必首東受生氣側身面外則
安睡而無夢矣

浚川雜述

夢之說有二感於魄識者有感於思念者何謂魄識之感五藏百
骸皆具知覺故氣清而暢則天游肥滯而濁則身欲飛揚而復墜
心豁淨則游廣漠之野心煩迫則踟躕冥實而迷蛇之擾我也以
帶繫雷之震耳也以鼓入饑則取飽則與熱則火寒則水推此類

也五藏魄識之感著矣何謂思念之感道非至人思擾莫能絕也
故首尾一事在未寐之前則為思既寐之後則為夢是夢則思也
思即夢也凡舊之所履書之所為入夢也則為緣習之感凡未嘗
所見未嘗所聞入夢也則為因衍之感談恠變而鬼神魁象作見
臺榭而天闕王宮至懺蟾蜍也以踏茄之誤過女子也以瘞敵之
恩反覆變化忽魚忽人寐覺兩忘夢中說夢推此類也人心思念
之感著矣夫夢中之事即世間之事也緣象比類豈無偶合要之
漫渙無據靡兆我者多矣

夢為神不守舍

春甫曰心為棲神之所凡思慮過多則心血虧耗而神游於外故

多夢所謂晝之所思夜之所夢神魂依形而至形體未到之處夢亦罕能到也故云夢多舊境夢多故人所以人年四十已後多夢死人蓋其所交遊豈無死者如之何其弗夢耶昔子師葉光山赴首到京師一夕忽夢憲友黃浦張黨者邀接行遊乃曰故人何棄我之甚耶子二人於此候之久矣茲既至可以賡歌唱飲勿得思歸須臾夢覺駭汗而起曰斯二人乃予之先首而俱亡之於京師者也今夢邀予甚為不祥馳明束裝南歸心甚驚愕至家逾十五年而赴選兩任縣令者六年歸休林下者迄今又十餘年也計其壽算將未有艾觀此夢胡可以必信哉雖云吉以兆吉凶以兆凶要在夫人正心成德以俟夫自然之天則吉凶消長固有不得其

正者

治法

脩德禳夢

傳曰諸侯夢惡則脩德大夫夢惡則脩官士庶夢惡則脩身如是
可以轉災而為福矣

智人兆夢

釋典云四玄判夢一曰無名重習二曰舊識巡遊三曰四大偏增
四曰善惡先兆釋者曰顧人自脩何如耳又在釋之者急口為兆
故曰痴人之前不可說夢

祝由科厭夢法

黃帝祝由科十二符按十二時以厭惡夢清晨隨日至誠書符面
東以水嚙之執符而呪曰赫赫陽陽日出東方斷釋惡夢拔除不
祥急急如律令一氣念七遍將符帖之吉 又呪法清晨沐漱畢
以淨水嚙東方呪之曰惡夢看草木好夢成珠玉自然吉利
藥方

養心安神丸 治心虛多夢除亂夢惡夢

當歸身

白茯神

酸棗仁

五味子

犀角

琥珀

玄明粉

黃連

朱砂馬衣

甘草熬膏名

為細末甘草膏和煉蜜丸黍米

大每服二十丸夜卧時津下久服夢自少間或有夢可兆吉凶

養滾痰丸 治一切惡夢恠夢每夜服一錢自然清寐 方見癩門

凡夢因藏府之虛實而感之如肝氣盛則常夢怒治宜平肝之藥
如肺氣盛則常夢哭治宜清肺金如上焦熱則夢飛治宜降火如
下部虛則夢墜治宜滋陰之屬是也餘可類推

道中書有遊仙夢**勾婁神書**有夢入神机其術可以魂遊而知

事情似射於幻誕故不載入

不寐候

病機

內經敘論

靈樞邪客篇帝曰夫邪氣之客入也或令人目不瞑不卧何氣使

然伯高曰五穀入於胃也其糟粕津液宗氣分為三隊故宗氣積於胃中出於咽喉以貫心脉而行呼吸焉營氣者泌其津液注之於脉化以為血以榮四末內注五藏六府以應克數焉衛氣者出其慄氣之悍疾而先行於四末分肉皮膚之間而不休者也晝日行於陽夜行於陰常從之少陰之分間行於五藏六府則衛氣獨衛其外行於陽不得入於陰陰虛故目不瞑帝曰治之奈何伯高曰補其不足為其有餘調其虛實以通其道而去其邪飲以半夏湯一劑陰陽已通其卧立至半夏湯見後

口問篇曰陽氣盡則目瞑陰氣盡而陽氣盛則寤矣

不寐為痰火思慮所致

春甫謂痰火擾亂心神不寧思慮過傷火熾痰鬱而致不眠者多矣有因腎水不足直陰不升而心陽獨亢亦不得眠有脾倦火鬱夜卧遂不踈散每至五更隨氣上升而發躁便不成寐此宜快脾發鬱清痰抑火之法也

傷寒大病之後多有不寐

傷寒書云傷寒瘥後不得眠者何也蓋熱氣與諸陽相并陰氣未復所以不得眠又謂汗下後過亡津液心血虛而神不寧亦不眠

脉候

不眠脉微瀆為血虛 寸口浮大有火無滑為痰

兩尺絃大為腎虛相火炎上

治法

治不眠要分虛實

體氣素盛偶不眠為痰火所致宜先用滾痰此用安神此清心
涼膈之類○體氣素弱或因過勞或因病後此為不足宜養血安
神補心之類

治病後不眠與尋常不眠者殊異

凡病後及婦人產後不得眠者此皆血氣虛而心脾二藏不足雖
有痰火亦不宜過於攻治仍當以補養為君而畧佐以清痰火之
藥其不因病後而不寐者須以痰火處治亦必少佐以養血補虛
之藥方為當也

治不眠貴知標本

凡人勞心思慮太過必至血液耗亡而痰火隨熾所以神不守舍煩
救而不寐也道痰清火以治其標稍德効驗仍須養血收神
靜定以治其本則不再復以竭其真也此心元之主神思之病
可不慎每見輕淺視之漸至元神俱竭而不可救者有矣

藥方

補虛諸劑

集本養心湯 治體質素弱或無病後思慮過多而不寐者

當歸身

生地黃

熟地黃

茯神

人參

麥門冬 各錢半

五味子 十五粒

栢子仁

兼之

酸棗仁各八分 甘草各四分 水盞半加燈心蓮子煎八分食遠服

酸棗仁湯 治大病後氣血俱虛內亡津液煩渴心躁諸虛煩熱

不得眠者宜用此藥

酸棗仁微炒 人參各一錢 麥門冬三錢 竹茹二錢

右水二盞龍眼肉五枚煎七分無時服

局茯苓補心湯 治思慮過多心神潰亂煩躁不寐

白茯苓 白茯苓 麥門冬 生地黃

陳皮 半夏麩 當歸各一錢 甘草五分

右水竹葉燈心同煎服

秘驗 琥珀多寐丸 治健忘恍惚神虛不寐

真琥珀 真羚羊角細銹 人參 白茯苓

遠志製 甘草各等分 右為細末諸心血和煉蜜丸

芡實子大金箔為衣每服一九燈心湯嚼下

和辰砂妙香散 治心氣不足精神恍惚虛煩不眠方見虛煩門

清痰火諸劑

溫膽湯 治病虛煩心膽驚怯自汗有痰不寐者方見驚悸門

養滾痰丸 治痰火實人無故不寐方見痰飲門

調和諸劑

靈樞經中有此方世醫鮮用之久病不寐者神效

秫米一升 半夏五合

古今醫統卷之二十一 卷之二十一

千里長流水一斗揚之萬遍取清者五升煮秫米數沸炊以葦
薪令竭至一升半去秫米半夏取汁飲之每服一小盃日三服
其新病者覆盃即卧汗之即已久病者三日三飲而已也

東垣安神丸 治血虛心火神亂不眠 方見驚悸門

活人竹葉石膏湯 治病後煩躁不眠

梔子烏梅湯 同前方治

局方歸脾湯 治病後及思慮心脾兩虛而不寐者

道藏天王補心丹 治心腎兩虛水火不濟致夜不寐心悸口乾煩躁

不定此治本之要藥也 二方並見虛損門

古今醫統大全卷之七十 絡

